


BIBLIOTHÈQUE SAINTE-GENEVIÈVE

IMITATION
DE
JÉSUS-CHRIST

OExv
279

PARIS 1493






cm 1 2 3 4 5 6 7 8 9 10 11 12 13 14 15 16 17 18 19 20



cm 1 2 3 4 5 6 7 8 9 10 11 12 13





Ccy cōmence l'histoire de la passion douloureuse de nos-
tre doulx sauueur & redēpteur ihūs rememoiree es sacres
& saintz misteres de la messe. ordonnee et cōposée p le beau
pere reuerend frere oliuier maillard de l'ordre des freres appel-
lez de l'obseruāce dudit ordre pour le p̄mier cours es parties
cismontaines qui fut lā mil quatre cēs quatre vingz et .p.
pour salutaire instructiō & accroissement de serueur de deu-
otion a tous ceulx & celles qui dignemēt et meritoitemēt
desirent ouir la sainte messe ou icelle celebrer

Et premierement cōment icelle a este preordonnee eternelle-
mēt. et ce par maniere de prologue pour exciter les coeurs
des humains a soy piteusement par cōpassiō configurer a
nostre seigneur pendāt a la croix. a quoy nous debuōs fer-
mement disposer en celebrāt messe ou icelle oyāt dignemēt
et salutairement

Nostre seigneur par le saint patriarche abrahā
no' apprēt a ouyr la messe deuotement. Car
il laissa son asne au pie de la montaigne avec
ses seruiteurs quant il la montoit tenant le feu
et le glaive en sa main pour sacrifier son filz ysaac q̄ por-
toit le bois. Ainsi debuons laisser et oblir tout soucy ou sol-
licitude. euitier aussi cogitations et parolles de choses cor-
porelles mondaines et temporelles & esleuer nostre coeur p̄
seruēt et ardent desir pensās a la vertu du bois de la croix
et mistere de la passion tresdouloureuse de nostre souuerain
prestre le doulx iesucrist nostre redēpteur qui pour appai-
ser dieu offence par le peche d'adam et eue nos premiers pa-
rēs et de tout l'humain lignage p̄ sa trop grande charite dōt
ppetuellemēt no' aymes sest luy mesme baille pour no'
en sacrifice ostie et oblatiō au glaive de iustice en odeur de
suauite et doulceur acceptee de toute la bien eueuse trinite

a.ii.

16
cm 1 2 3 4 5 6 7 8 9 10 11 12 13 14

agreablemēt eternellemēt puoyāt nrē cheite et ruine p sa
grāt misericorde no' secourāt pour nous attirer et enflāmer
par le feu de charite nous sacrifiant par penitence qui est le
glaiue de iustice quant pour nous a voulu prendre et vestir
le sac de nostre humanite contenant le pris de nostre redem
ption tout hache et tranche par plus de six mille six cens
soixante six plaies en sa trespiteuse mort et passion; Dou
loureuse. En ceste foy les patriarches et prophettes et
tous les peres de l'ancien testament ont eu la grace et ay
de de dieu necessaire a acquerir grace et merites et a soy gar
der de peche. Pourtant communement les saints docteurs
exposent le commencement de la messe iusques a l'euangi
le de leurs clamours sospirs oraisous prophecies et peni
tances. Ainsi lui et ses membres disent continuellement
ceste messe estre eternelle. Car ainsi que dit monseigneur
saint paul sa prestise est sempiternelle dont il peult saluer
en perpetuite. par ce disent les docteurs subtilz que le saint
sacrifice de l'autel est sacrement et sacre signe du temps pas
se rememoratif du temps present representatif du temps ad
uenir prenosticatif que les esleuz enfāns de nostre seigneur
et membres de sainte esglise sont et seront a luy vniz et con
iointz par grace amour et charite au merite dicelle passion
de nostre seigneur. Pour laquelle chose bien conuenable
ment institua ce sacrement ou temps instant et prochain de
sa piteuse passion affin que en rememorant le pris de nostre
redemption apparoisse que tous ayons satisfait et paye.
Si debuons nous efforcer de nous conioindre et vnir a ce
grant prestre et a sa tresardante charite. Car en sa charite
et oblation est totalement consacre nostre sacrifice de ius
tice. Donc ie mesmerueille si en ceste consideration len diēt
a lesglise commēt peult aucune estre gele de si grande froidu
re q̄ tātost ne soit enflāme du tout de l'ardeur de la founat

se de iesus ardante du feu du saint esperit. si en celebrat ou
oyant messe ou en recepuant dignement le saint sacrement
de lautel lon applique son entendement. sa memoire. et sa
voulente par foy. esperance et charite a sa passion et mort
tresamere Car cest le memorial Vis et charbon de feu qui
enfumine reconforte et enflamme tous ceulx qui en unite
de foy en purite de conscience en paix concorde et dilection
fraternelle humblement en reuerence et honneur. du tout es
leuent par deuotion leurs coeurs ainsi que se le voyent pres
sent pendant en la croix. Car toutes et quantes fois que
len vient a ceste sainte table lon doit ainsi faire comme
moration de sa mort a passion laquelle par sa tres excessiue
charite a si tresdouloureusement enduree pour satisfaire de
noz pechez par ce sacrifice a iustice diuine comme se eussos
este presens

Comment icelle messe fut commencee
eternellement a este en son ame continuee
spirituellement

Le filz de dieu en tant que dieu nauoit ou il peult souf
frit pour ce sest vestu de nre sac a mortelle humanite
pour recepuoir la discipline de nostre paix et de ses playes
sombres gueris. de noz langueurs et douleurs mortelles
lesquelle s des l instant de sa conception furent presentees
a sa sainte et benoiste ame remplie de plenitude de grace
sans mesure de science et verite laquelle se offrit voluntai
rement a obeir humblement au decret sentence et ordonnā
ce de toute la trinite. Et par sa trop grande charite et mise
ricorde voulut mettre sa vie pour ses amis predestines et es
leus a sauement. Durs et endurcis filz d adan les
quelz ne amolist point si grāde benignite ne eschaufepoint
a.iii.

si grande flamme et ardeur d'amour et de charité de nostre
createur redempteur et sauveur lequel a voulu des l'instant
de sa conception commencer la messe de nostre sacrifice pour ap
paiser la iustice diuine de l'offense que par nos pechez auons
encourue. et la continua perseveramment par gemissements. des
sirs prieres et oraisons. iusques a l'article de la mort disant.
Dolor meus in conspectu meo sepe. Ma douleur est tous
iours deuant moy en mon regard de raison et entendement
pour ce saint Vincent et autres docteurs exposent la messe
depuis l'heure de l'incarnation ou se offreit comme dit est en
oblation hostie et sacrifice nostre grant prestre souverain
et perseuere tousiours viuant a interceder pour nous tous
les iours iusques a la consummation du siecle demourant
avec nous en icelluy saint sacrement de l'autel

C Comment elle fut commencee sensitiuement
exterieurement et en son sacre corps paracheuee et fi
nee piteusement

O qui pourroit assez comprendre le grant miracle de ce
haut et excellent mystere. que si bienueuee ame conioin
cte en son precieux corps a la diuinite en vne de la seconde
personne de la trinite du filz de dieu eternel. glorieuse par ce
re vision delectable fruition et seure tencion de dieu. des l'in
stant de sa conception quant a la portion souveraine de rai
son apant a dieu son regard par autres regards a l'occasion
de l'offense de dieu son pere. des taches de nos ames par peche
prenoit si grant douleur et desplaisance que nul en ceste vie
mortelle iamais ne peult auoir de ses propres peches sem
blable combien que ceste douleur ne redondoit pas en sa sen
sualite a la sentir par experience si non quant il vouloit. Ain
si come sa beatitude ne redondoit point en sa sensualite fors
quant il le vouloit comme a la transfiguration et ailleurs

car selon saint ierome procedoient rayes lumineuses de sa
face pour cause raisonnable quant l'honneur de son pere et le
salut des ames le requeroit. Ainsi disent les docteurs contē
platifs de ses douleurs dont il eut matiere des quil fut ne
en temps diuer froyt. en abry de tous vens sans feu enuelo
pe de linge sur du sein. en la crache entre le beuf et l'asne des
mourant la par quarante iours. en la fenge & fiente des be
stes. a huit iours circuncis. **D** quelle douleur puis supr en
epil par sept ans en egipte et retourner a grant travail et
grant pourete. en tant que toute sa vie na este droittemēt
que vne croix et vne messe de sacrifice a dieu pour nostre re
demption au tant que requeroit iustice diuine la rectitude de
ses vertus et la peine a laquelle nous estions par peche obli
gez. **E**t autant quil estoit expediēt a attirer noz coeurs a le
aymer qui estant dieu d'amour se fit homme pour doulou
reusement porter noz enfermetez. **C**e neant moins fut con
uenable et moult raisonnable q ce quil portoit en son coeur
des le ventre de sa tresdigne mere par signes sencibles se re
uelast a ses loyaux et ames apostres. **A**usquelz il auoit re
uele sa gloire en la resurrectiō de la fille de iayrus prince de
la sinagogue et de sa transfiguration qui furent saintes pi
erre saint iehan et son frere saint iaques le maior. **L**aisse
les autres en l'entree du iardin les print a sup tenir compai
gnie. **L**ors commença estre triste auoir angoisse se spaourir
et ennuyer. **E**t icy proprement commēca l'introite de la grāt
messe a note a redundāta la sensualite la douleur de sa mort
et amere passion.

Comēt la messe de la passiō du souverain prestre et ai
gneau de dieu ihūcrist nre redēpreur fut sōnee trois fois.

Ainsi q le bō cure se dispose a dire deuotement sa messe
de proisse. a quāt il doit ql est tēps fait signe au secre
tal ql sōne le p̄mier & puis da a ses necessitez & reuiēt quant

il est temps de sonner le second et quant lon le voit lon sonne le darin et q lon se expedie. Ainsi a fait nostre souverain prestre car apres quil se estoit dispose depuis l instant de sa ception de plus en plus conformement a lordonnance et divine et prouidence de dieu son pere voyant le temps determine que l aigneau pascal debuioit estre quis le premier iour de mars fit vng signe sy merueilleux en resuscitant le lazare frere de la magdalene et de marthe. que enuie fist sonner la grosse cloche caphas. Expediit nobis. et cetera Il vous est expedient que vng meure pour le peuple. des lors determine rent de le mettre a mort Si sen ala en effren avec ses disciples Et quant le dixiesme iour du mois saprocha ouquel le dit aigneau debuioit estre mis en la maison retourna le .ix. en bethanie et la luy firent vng grant conui et le lazare y estoit assis Et ainsi que dit saint augustin racontoit de lautre monde des peines denfer et de lattente des saints peres du limbe. Et entre les aultres choses demanda a nostre seigneur sil lui failloit encores mourir vne aultre fois. Et il luy respondit. Mourir conuient. Si deuint si mort et si triste que oncques puis ne rist tant quil desquit en ce monde. Allec la magdalene espendit loignement sur le chief de nostre seigneur et descendit iusques aux pies lesquelz incontinent oignit dont iudas emeu de couuoitise fist murmurer aucuns de la compaignie disant. Quelle perdition Cest oignement eust bien este vendu troyz cens deniers pour donner aux pources adde nostre seigneur leur dist Laissez la cest a dire ne la vueilles inquieter. Car elle a fait en moy vne bone oeuvre. Elle a preueni oindre mon corps en sepulture et par tout le monde ou sera presche cest euangile il sera dit que elle aura faict en memoire de ce. Lors plusieurs de la cite de iherusalem vindrent en bethanie pour voir non seulement le douz iesus mais aussi le lazare resuscite. Ainsi fu

rent animés iudas et les iuisz par auarice & enuie a sonner
Maisire seuruiut le .x. iour dessusdit quant l'aigneau se re
dit a la maison de son pere et par zele de iustice chassa les
vendeurs de beufz de ouailles et de columbes & reuersa les
tables des chageurs et les getta dehors du temple Et tous
y celluy iour et le lundy et le mardi ne cessa point a batailler
pour iustice et ayra mieulx mourir dit le scot docteur sub
til que taire verite. Dequoy ilz conceurent telle hayne que
le mecredi s'assemblerent tous pour sonner durant laquelle
le sonnerie le piteux aigneau demoura o sa tresdigne mere
en bethanie maison de obedience. Adonc enuie et ire disoy
ent que lon laissast passer la feste de paour de commotion
de peuple. Mais couuoitise fist sonner iudas et tous con
corderent a sa traison en luy pmettant trente deniers. Et
menoiert grant ioye de venir ainsi a leur mauldicte inten
cion puis attendit nostre souuerain prestre sachant leure ql
debuoit passer de ce monde a dieu son pere le iudi au despre
apres quil eut menge avecques ses disciples l'aigneau pas
cal selo lordonnance de la vieille loy. et raua les piedz de so
traistre. et de tous ses apostres et quil eut institue le saint
sacremēt de lautel. leur prenūcia que lung deulx le debuoit
trahir et liurer auquel finalement bailla vne bouchee ou
morceau de pain trempē. Et lors sathanas print possession
de luy. et ne scauoit contenance Parquoy voyant le bening
aigneau son obstination luy dist quil alast sonner le darin
son en luy disāt. Ce que tu fais fay le plus tost. lequel tan
tost sen partit Et ia estoit nuyct & ala tres hastiue mēt ches
capphe Et adonc toutes les cloches deuie dire dauarice de
traison trōperie fraude cautelle et de toute iniquite confusi
blement sonnoient que lung a pou nentendoit lautre tant
y auoit de bruit et de tumulte Pourtant ces iours de la pas
sion lon appelle le monde avecqs le traquet Les vngs que

toient les armeures les aultres habilloient les gens bar-
mes. les vngs quetoient bastons. les aultres se pouuoioy-
ent de fallotz torches et lanternes

¶ Des ornemens de nostre souuerain prestre
iesucrist

Nostre bon prestre incontinent que iudas fust parti ba-
dire a ses clers et monstra ses clers quil auoit bestus
a la secretainerie ou reuettaire du ventre virginal de sa tres
digne mere en disant maintenant est clarifie le filz de la vier-
ge quant le filz de tenebres de perdition est hors dicy En s'as
encore vng pou sups avecques vous iay les chaussions de
mortalite croyes en dieu et croyes en moy. Iay lamycet
qui couure ma diuinite. Je suis la vope verite et vie bestu
de laube de purete et de innocence. Je suis en mon pere et vo-
en moy et moy en vous saint de la sainture dor de charite en
qui tout bien reluist. Nostre coeur ne soit trouble ne ne crai-
gnes point car iay le fanon de force cōtre tous ennemis Le
prince du monde na rien en moy. Mais ainsi que mon pe-
re ma donne commandement ainsi le metz a epecution por-
tant le stolle de obediēce iusq̄s a la mort de la croix. ie suis
la vraye vigne et vous estes les rameaulx et branches de
celle Car iay la chasuble de plenitude de grace redundant
en toute lesglise ainsi que fait le chief aux membres Et sans
moy et ma grace vous ne poues rien faire qui baille meris-
toirement a saulement

¶ Le asperges dicelle messe

Ainsi bestu et orne graces dictes sen issirent en la mon-
tagne dolivet. en leur faisāt lasperges de plours et
de larmes avecques oraison. demandes dist il a mon pere
en mon nom Car il vous ayne pourtāt que vous maues
ayne. Puis fist son introibo. et dist son iudica de discretion
en disant Je suis yssu de mon pere et vneu au monde. de v-

chief laisse le monde et men vois a mon pere . Et ses disci-
ples lui respōdoyent. A no^r maintenāt en appert tu parles
et ne diz aucun prouerbe. nous scauons que tu sces toutes
choses et ne test point de necessite que aucun te interroque .
En ce croions que de dieu es yssu. Il leur respondit **M**ain-
tenant vous le croyes.

Comment il dist le confiteor

Lors dist le confiteor faisant confession generale non
pas de ses pechez qui estoit tout pur et innocent mais
de ses membres quant adonc leur dist Dees cy leure venue
que tous vous seres scandalizes en moy en ceste nuyt . Et
a saint pierre dist en particulier Simō sathan se dispose de
te cribler comme on cible le fourment . si leur dist en lieu de
mea culpa. Il est escript en zach. Je frapperay le pasteur et
les ouailles du berger serōt dispersees. Ideo deprecor. mais
iay prie pour toy disoit il singulierement a saint pierre que
ta foy ne defaille point. Ad ce respondit saint pierre et se bla-
blement to^r les autres et disoient nompas par forme de cō-
fessiō de foy accuser de leurs deffaults mais de presumptiō
de leur force et vertu. sire ie suis prest daler pour toy en char-
tre a mesmes a la mort et si tous estoiet en toy scandalizes
iamais ne seray en toy scandalize . Pour mea culpa luy
dist le doulx ihesus voulant reprimer son audace. Sans
faulte ie te dis . Auant que le cog chante deux fois tu me re-
gniras trois fois. Et pour ideo deprecor saint pierre parloit
plus hardiement disant. Et sil me failloit semblablement
mourir avecques toy ie ne te renieray point. Semblables-
ment et tons ainsi disoient. Mais luy seul congnoissoit ce
qui estoit en l'homme si leur promist indulgence et absoluti-
on affin que de leur cheite a aduenir. ne tumabassent en des-
espoit en disant. Certe apres que ie seray resuscite ie vous

precederay et iray deuant vous en galilee transmigration
de mort en vie corporelle quant a moy espirituelle quant a
vous. Pour deus tu conuertens diuificabis me. dist specia
lement a saint pierre. Et quant vne fois tu seras conuerti
conferme tes freres. Et comme dit saint iehan il dist les
peulx esleues au ciel. Pere leure est venne clarifie ton filz.
Ainsi comme sil disoit Monstre sire ta misericorde ee don
ne le sauueur du monde. Sire epauce mon oraison et les au
tres beaux motz que dit le prestre Adonc pria pour tous les
esleuz et a salut predestines du temps passe present et adue
nir. Ainsi dit le prestre sire nous te prions et requerons que
tu nous ostes toutes noz iniquites affin que nous puissions
venir a auoir pures et nettes consciences, ad sancta sancto
rum de ta sainte table et autel.

Dramus te domine

Le dit passa le torrent de cedron. ainsi passe le degre le
prestre a venir a l'autel et a l'entree du iardin laissa
huit de ses apostres et leur dist. Seez vous icy tant com
me ie iray prier Pour ceste oraison sencline le prestre en di
sant. Sire nous te prions par les merites de tous les saintz
que tous noz peches tu pardonnes pour ce soy eslieue avec
bonne esperance a baiser l'autel de gethsemani dalee de gres
se. Car par la vallee de humilite a gresse de charite le filz de
dieu a este pour nous en la croix sacrifie

L'introite de la messe.

Apres nostre souuerain prestre ainsi que laissant le peu
ple print son dyacre saint pierre. son soubdiacre saint
taques et son acolite saint iehan. Et les tria a part au
liure de sa sapience a main dextre situe des l'instant de sa
conception a plenitude de grace comme dit est. Et leur
commenca a dire et manifester a haute note l'introite de
ceste piteuse messe en disant ainsi. **Tristis est anima**

meabz ad mortē. Cest l'introite de la. lxx Circundederit
me dolores mortis. Les douleurs de la mort mont enuiron
ne. mon ame est triste iusques a la mort intensiuemēt Cest
a dire que est si remplie de douleur que plus ne peult laquel
le durera extēsiuement iusques a la mort Icy commença a
lascher la bride a tristesse paour crainte et douleur iusques
a toucher sensiblement et par experiance sa tendre sensualis
te par le Vouloir amour et charite de soy mesmes sacrifiāt
pour nous monstrant par effect le desir quil auoit de nous
racheter. Pour le verset leur dist. Soustenes icy et veilles
auecques moy en priant dieu mon pere affin que vous nen
tres en temptation. ainsi satisfaisoit pour noz pechez a tou
te la trinite. De que signifie le gloria patri. Et cest introite
est replique pour satisfacion des pechez presens passez et
aduenir

Comment furent chantes les Kyrieleison

Maistre alexandre des halles docteur des docteurs nom
me irrefragable dit q̄ par ce et en ce nous sōmes en lu
minez a entendre que non seulement estoit desire l'aduenē
ment d'ung redēpteur par l'introite Mais aussi est demāde
et requis auec eleuation de coeur et de pensee par kyrieleison
qui signifie. Sire ayez pitie et misericorde de nous. et ce dit
par trois fois pour la personne du pere. p̄risteleison trois
fois pour le filz. et les trois derreniers kyrieleison pour le
sainct esperit Car l'ung est en l'autre par circonincession en
vnite simplese et indiuisibilite monstrant en icelle passion
leur liberalitez misericorde pour nous deliurer de la misere
malice et ignorance de coulpe et de peine et nous assoucier
es neuf ordres des angelz

Le gloria in excelsis deo

Icy lō peult cōtempler piteusemēt que ainsi que a la na
tiuite de nrē redēpteur la multitude de la cheualerie

celeste les benoistz anges louerent dieu chantans: *Gloria
in excelsis deo* Dyans ce les pasteurs/pareillement boiāt
l'introite de la messe de nostre sacrifice dit ainsi. *Maintenāt
commence ānūcierēt aux saintz peres du limbe paiz.* Car
ilz estoient garnis de bonne boulenue qui adonc louerēt et
dorerēt et glorifierent dieu en disant le sourplus que saint
hilaire fist

¶ Les trois oraisons

Ainsi vint nrē souuerain prestre a ses oraisōs en leur
disant *dominus vobiscū* Dieu doint effect a voz petis
tion et demandes et le chor^s des peres respondit. *Et cū spū
tuo. Nous soions avecques tō esperit. Cobiē que plus pro
prement lui appartenoit comme a leuesque des biens a ad
uenir a dire Paiz vobis.* Cest a dire paiz soit avecqs vo^s
Puis se tourna vers oriant a dieu son pere en disant *Dies
mus.* Prions que nous soyons dignes de si grās misteres
*D*vanite enflée du vēt dorgueil considere icy la profōde hu
milite du filz de dieu qui demanda ayde pour lumanite et
les genoulz flechiz cōmme sil disoit de fait. *Flectamus ge
nua. se prosterna en sa face* disant la premiere oraison *Adō
pere sil est possible que sans ma passion tous les biens diē
nent qui par icelle doibuent venir a nature humaine passe
oultre de moy le calice de ceste passion. Toutefois soit fai
cte ta vōlētē non moye l'appetit de ma sensualite pour laq^l
le aucuns docteurs aproprient ceste oraison. Et pour se per
dominū vint a ses disciples et les trouua dormans. Et res
print saint pierre especiallemēt en disant. *Symon tu dors.
Mas tu pas peu dueiller vne heure avecqs moy. Dueillez
priez que vous nentrez en temptation. L'esperit est prompt
mais le corps est enferme. Et de rechies sen ala dire la secō
de oraison que lon aproprie pour les apostres en disant ce
mesmes. Fay passer oultre de moy ce calice de mort et pas**

sion a mes apostres. Et ainsi que ie le boy voulentairment
sans desesperance et sans crainte de la mort ainsi le boyuet
et vint de rechief et les trouua dormans. Car leurs yeulx
estoyent agraves de tristesse et ne les reprint point et igno-
royent quilz luy respondroient. Pourtat en la seconde orai-
son n'ya point de per dominum ne amē pour response / mais
les laissa et retourna dire la troistesme oraison generale
pour tous loyaulx crestiens en ces mesmes parolles. passe
oultre de moy ce calice Cest leffect et fruct de ma passion
a ceulx qui sont predestines et esleuz affin que par la vertu
dycelle acquerent la vie eternelle parquoy a bon droit les
oraisons sōt acheuees. per dominū nostrū iesum xpistum
par nostre seigneur iesucrist auquel debuons nous conioin-
dre par bonnes oeures meritoires en disant Amen

¶ La leçon ou epistre de la messe

Uoyant dieu le pere son filz afflige en la partie sensiti-
ue de son humanite luy enuoya selon la cōmune opi-
nion saint gabriel pour soubdiacre qui adonc luy apparut
le confortant et luy dist lespitre comme lettres missiues en-
uoyees de lassus intitule du liure de consolation diuine Et
selon aucuns contemplatifz auoit vng corps humain for-
me tenans deus cedulles lune a la main senestre ou estoy-
ent escripts de lettre noire tous les pechez des humains et
toutes les peines deues a iceulx en ceste maniere. par vng
homme peche est entre en ce mode et par peche la mort Car
par le delict d'ung homme plusieurs sont mors. Pourtant
par le delict d'ung homme est le iugement en condempnati-
on en tous les humains. En la deuyesme quil tenoit en sa
dextre y auoit escript en lettre dor. Par plussorte raison la
grace de dieu et le don de grace d'ung homme iesucrist habū-
dera en plusieurs Car se la mort a regne par le delict d'ung
Hoult plussort ceulx qui receperont habōdance de grace

De bon et de iustice regneront en die par ung homme iesus
crist pourtant ainsi que par le delict et inobediēce d'ung plu
sieurs sont constitues pecheurs en condempnation de mort
Ainsi par la iustice et obediāce d'ung homme iesucrist plu
sieurs serōt pstitues iustes en iustification de die Et ces cho
ses leues et entendues le debonnaire et innocent aigneau
fut faict en dure bataille et prioit plus longuement par la
crainte que auoit la sensualite et lamour que auoit raison
et sa diuinite laquelle chassa crainte si violente que sa
sueur fut faicte comme gouttes de sang decourant en terre
iusques a quarante sept mille gouttes ainsi que lon a seu
par reuelation diuine ce voiant lucifer le grāt sathanas en
uoya son messagier le traistre iudas pour dire la sienne es
pitre machinee ou liure de prodiciō et traison lequel scauoit
le lieu car souuēt la se trouuoit le doulx iesus avecques ses
disciples et priue de la grace de dieu queroit le lou laide des
chiens mastins iuisz a le prendre et deuorer et venoit accō
paigne de cinq cens gens darmes ainsi que dit papie avec
les ministres des princes et prestres de la loy en grāt arroy
bien armes et garnis de bastōs de seffence avecques grāt
force de lumiere de torches de fallosz & lanternes. Et leur ba
dire lespitre de traison Quicunques ie baisera ce celluy.
tenes le & le menes cautelement affin quil ne leur eschappast
et quilz ne prenissent vng aultre pour luy Car saint iaques
le mineur lui sembloit. **D** combien y en a il en ce monde sē
blables a iudas faignans aymer verite et nont loyaulte a
dieu ne aux hommes

C Le graduel de la messe

Scauant et congnoissant toutes ces choses le piteux ai
gneau qui estoient a aduenir sur luy proceda et se par
tit du lieu ou il auoit ouy lespitre a grant sueur et sen vint
commencer le graduel a voiz piteuse disāt a ses apostres.

dormes maintenant et vous reposez. **V**euez cy iudas qui ne dort pas. **S**us leuez vous. **A**llons celui qui me baillera est pres. **E**ncore luy parlant **V**euez cy iudas venant deuant les autres qui approcha de luy et le baisa incontinent en disant ie te salue maistre. **L**ors luy dist le doulyx iesus. **A**my pour quoy es tu venu. **D**iudas tu trais et baille le filz de la vierge p ton baiser. **S**i retourna le traistre a ses gens qui estoient si estonnez quilz ne scauoient quilz debuoiēt faire et les sollicitoit a le prendre craignant perdre les trente deniers si vint avecques ses apostres nostre redempteur a la rencontre de eulx et leur dist. **L**equel queres vous. **E**t comme l'ons luy respondirent a voix espouētable. **J**esus de nazareth. **A**doncques il leur dist cest moy. et le traistre iudas estoit avec eulx. **L**ors nostre seigneur monstra sa vertu et puissance diuine a euader sil eust voulu. **C**ar cheirēt tous a la reuerse tantost quil eut dit. **C**est moy et neussēt peu eulx releuer se la vertu de la voix qui les auoit abatus ne leur eust rendu leur force. **C**ar voyant quilz nauoyent point perdu leur cruelle vouldente et que plus estoient despites de stre si vilainement trebuches le doulyx aigneau sans tache se liura aux loups pour estre prins iniustement. **P**ourtant cōme se de rechief le verset du graduel lequel est que queres vous. **E**t ilz dirent iesus de nazareth. **L**ors leur respōdit. **J**e vous ay dit que cest moy. **S**i doncques vous me queres laissez ces icy aller affin que sa parole fust accomplie laquelle dit mon pere. **J**e nay perdu quelcunques diceulx que tu mas donne par eternelle predestination. **L**ors ainsi que loups ou lions ou chiens enragés sur laigneau lascherent leurs mains et le tindrent. **S**aint pierre se voulant de fendre cuidant fendre la teste a malcus luy trencha loreille dextre. mais le bening ihesus refrena et reprint son zeile sans sciēce et guarist ladicte oreille. **P**uis reprint la folie & temerite des prestres des princes de la loy

Des scribes des maistres anciens et phariseans qui auoyent enuoye le prendre de nuit comme chascun iour se trouuoast au temple mais disoit il cest cy vostre heure et puissa ce de tenebres estre le soleil de iustice adonc le prindrent a lierēt si cruellement que le coeur faillit aux apostres et luy laisse senfuirent tous ainsi finist le graduel avec son verset chate par plusieurs en diner ses voiz

¶ Alleluya ou traict de ladicte messe

Le traict contiēt quatre versets qui signifient q̄ le doulx aigneau sans tache a este tourne et hire verse et tire. mene et pelote sus quatre iuges pour nous iustifier. Donc nous se de buons remercier et louer. Pourtant en temps de feste en lieu du traict lon dit pour les deux versetz. alleluya par deux fois. et puis le verset de rechief alla pour le quart Le premier fut ches anne qui estoit pere de la femme de capphe ou il fut piteusement traicte en luy et es siens Car vng adolescent que lon dit communement que cestoit saint iehan vestu de linge blanc a nu le suinoit et le tindrent mais il laissa son linge en leurs mains et sen fuit tout nu. et lors courust en bethanie porter les piteuses nouvelles a sa tresdigne mere la tresdoulce vierge marie et reuestu hastiuement et si tost retourna quil entra ches anne avec nostre seigneur car il estoit congneu a la maison. Saint pierre aussi le suiuoit de loing iusques a la court et se arresta a luy s dehors: Adonc saint iehan yssit et le dist a lussiere. Ainsi mist des dās saint pierre. Et comme il se chauffast en la basse court avec les ministres car encores nestoit pas passe le froyt diuer vint illec la chambetiere et le regarda a la clarte du feu et luy dist Tu estois avecqs iesus de nazareth Et il le nra disant ie ne say et ne congnois ce q̄ tu diciz. et sen yssit hors

deuât la court et le cog chanta pendant ce temps anne en la
haulte sale interrogoit nostre seigneur de ses disciples et de
sa doctrine. a quoy cespondit disant **J**ay parle en appert au
monde **J**ay tousiours enseigne en la sinagogue et au tems
ple ou tous les iuisz conuiennent et nay riens parle en se-
cret qui ne soit venu a congnoissance pourquoy me interro-
gue tu interrogue ceulx qui ont ouy ce que ie leur ay parle.
Ilz scauent ce que iay dit. Lors malcus ingrat de la gariso
de s^o oreille luy bailla vne cruelle buffe. Mais nostre sei-
geuz benignement le reprint de sa folie en disât. **S**e iay mal-
dit monstre tesmoignage du mal. et si iay biendit pour quoy
mas tu frappe. on doit moult penser ceste iniure faicte au
filz de dieu roy des roys seigneur des seigneurs prince des
roys de la terre souuerain euesque duquel le pape seulemēt
est vicaire d'ung si vil et peruers garson seruiteur au dyable
qui faisoit plus que on ne luy commendoit. car iamais ne
pourrions asses recongnoistre ce grant benefice que dieu a
tant souffert pour les humains qui ne s^ot que limon de ter-
re. Pour le second verset le tirerent de la et le menerent chez
cayphe a grant iniure de luy et des siens. Car selon aucuns
sa tresdoulce mere estoit en iherusalē en la maisō de la mag-
dalene et ouyāt le bruit vint avec ses seurs elle et marthe sa
seur apres luy plorantes en icelle nuyt querant son tresame
filz et espoux. **S**aint pierre entra en la court de cayphe.
et vne aultre chamberiere commēca a dire a ceulx qui la es-
toient au feu. **V**rayement cestuy cy est vng de ses disciples.
et de rechif en iurant le nya disât. **P**ar dieu le viuant ie ne
congneu oncques cest homue. Et bien pou apres comme
par linteruale d'ung heure lung des seruiteurs de l'uesque q̄
estoit cousin de malcus de q̄ salt pierre auoit trēche l'oreil-
le luy dist. ne taige pas deu au iardin avec lui car tu es de
galilee et ilz lui disoient veritablement il est ainsi tu es l'ung

Diceulx car ta langue le demonstre et te manifeste. Adonc
commença a detester iurer & anathematifer en disant. Par
Dieu le Vis iamaiz ne le congneu ou ie puisse fonder en enfer
et estre dampne comme excommunie. et incontinet de rechef
le cog chanta. et nostre seigneur se tourna deuers luy et le
regarda. et il recorda la parole quil luy auoit dicte. Auant
que le cog chante deux fois tu me renieras trois fois et luy
yssu dehors plora amerement. pēdāt cecy les princes de la loy
les prestes scribes et anciens. et tout le conseil tenoit le con
uent et conseil de sathanas & queroient faulx tesmoignages
contre luy et nen trouuerent point cōbien q̄ plusieurs faulx
tesmoingz la fussent venus mais leurs tesmoignaiges ne
fstoient point conuenables. Dernierement vindrent deux
faulx tesmoings disans Nous luy auōs ouy dire. Je puis
destruire ce temple materiel fait par operation humaine et
ap̄s trois iours reedifier vng autre non manuel non fait p
operation humaine. ilz puertissoiēt le sens & les paroles par
faulce et mauuaise intencion. Car il auoit dit Vous destrui
res ce temple en parlant de son corps et ie le susciteray au ti
ers iour. et pource que le tesmoignage nestoit point conue
nable capphe tout furieux se leua ou milieu et interroqua
laigneau de dieu. lequel rien ne respondit. Et comme enrage
par impacience le adiura. par dieu le Vis que il dist sil estoit
filz de dieu benoist. Lors pour la reuerēce du nom de dieu res
pondit tellement Verite que en tant quil estoit en luy il reti
roit les homicides et selon saint bernard deicides de leur ma
lice par la terreur du final iugement disant. tu las dit ie le
suis. Toutefois dores en ouant Vous verres le filz de la
Vierge seant a la dextre de la Vertu de dieu et venant es nu
es du ciel a son iugement. Lors ainsi que blasphemateur fut
de tous condempne a mort et luy firent oproobres & iniures
innumbrables. Car sadenerable face que les anges desirēt

a veoir fut toute couverte de leurs exccatiōs et gros et pu
ans crachas le benderent et de la sapience diuine iouoyent
au chapefol en le frappant de toutes pars ou ilz pouoyent
de colles de buffes du poing & de ce quilz tenoyent en disāt
prophetises nous crist qui ta fetu. Et aultres plusieurs bla
phemes disoyent contre lui. Celuy moult luy agrauoit sa
douleur car tout redondoit au blapheme de dieu son pere q
lauoit donne au monde et ainsi estoit deshonnoie. Et sen a
sās dormir les satrapes il demoura entre les maīs de leurs
garsonnailie et seruiteurs qui luy faisoiet tous les maulx
quilz pouoyent penser sās quelconque repouy. Au biē matin
de rechef vindrent les princes des prestres & anciens du peu
ple tenir leur conseil et luy demanderent Se tu es crist dis
le nous. Affin que ilz le peussent deuant pilate accuser et quil
vsurpoit la puissance royalle contre lordonnance de cesar.
Et il leur dist. Se ie vous le dy vous ne me croytes pas. Et
se ie vous interrogue vous ne me responderes pas ne me
laisseres. Mais lors sera le filz de la vierge seāt a la dextre
de la vertu de dieu et tous luy dirent. Tu es doncques filz
de dieu. Et tantost quil eut respōdu vous le dictes sescrierēt
a haulte voix. Dauons nous plus besoing de tesmoignaiz
ge. car nous lauons ouy de sa bouche. Adonc pour le tiers
verset toute ceste multitude de malignans se leua et lierent
asprement durement et vilainement laiguc au pur et inno
cent comme vng condempne a mort la corde au col. De quel
le douleur eust a lors sa trespiteuse mere quant en tel estat
premierement le veit avec sa dolente compaignie mener et
tirer. Violentement ches pilate ou ilz le menoyent. Affin que
sans autre enqueste le condempnast a leur vouloir. Bles
toit matin ilz nentrecerent point au prettoire affin quilz ne
fussent contamines.

andes de pasques Pilate adonc yssit hors a eulx & leur dist
Quelle accusation apportez vous contre cest homme. Ilz
luy respondirent et dirent si cestuy n'estoit malefacteur no
ne le te eussions pas baille. Si leur dist lors pilate Drenez le
vous et selon vostre loy le iuges. Lors les iuisz luy dirent
Il ne nous est pas licite de tuer aucun affin que la parole
le de ihesus fust accomplye laquelle il dist signifiant de
quelle mort il debuoit mourir. Car les iuisz ne pouoyent
crucifier aucun. Si commencerent a laccuser en disant.
Nous auons trouue icelluy subuertissant nostre get. et pro
hibant le tribu estre donne a cesar. Et soy disant estre crist
roy. Entra doncques au pretoire pilate et appella le doulx
iesus et luy dist. Tu es roy des iuisz. Iesus luy respondit.
Dis. tu ce de toy mesmes. Du aultres le te ont dit de moy
Pilate luy respondit. Je ne suis pas iuis. Ta gent et
tes euesques te ont baille a moy. Quas tu fait. Ihesus
respondit. Mon royaulme ne est pas de ce monde. Si
de cest monde estoit mon royaulme mes ministres bataills
seroient pour moy. affin que ne fusse baille aux iuisz mais
maintenant mon royaulme nest pas de dessa. Si lui dist
pilate Doncques es tu roy. Respondit ihesus. Tu le dis
Car roy suis ie et en ce ie suis ne. et ad ce suis ie venu en ce
monde pour donner tesmoignage a verite. Et tout ce qui
est de verite par imitation ouayt ma voix. pilate luy dist.
Que est ce que verite car lors elle estoit incongneue par in
credulite Mais il nattendit pas la responce soy hastant de
cuyder le deliurer. Pourtant que il congneut que par enuie
le luy auoient baille. Car de toutes leurs accusations tes
moigna quil ne trouua en luy cause de mort. Et ilz se es
forcoient de laccuser disant. Il a commeu tout le peuple
de iudee commencat des galilee. Lors quant pilate sceut

que il estoit de galilee pour le quart verset lenuoya a herode
des tetrarche de galilee qui estoit la venu a la feste de pas
ques Adonc les iuifz tous furieux a luy le menerent et la
cruellement le traictoient a grant iniure et laccuserent ob
stineement a herode lequel ne queroit que ouyr et veoit cho
ses curieuses et nouvelles Mais en rien ne respondit plus
que vng muet le doulx aigneau Si fust desprise de lui et des
siens et en moquerie le vestirent de vng vestement blanc. et
pour la fin et neusme du verset le renuoya en lieu de sequē
ce a pilate. **D**uelles allees venues et reuenues ou chescū
luy faisoit du pis quil pouoit. Sa apres avecques sa doul
ce mere plourant & gemissant en ayant de sa douleur com
passion

Euangle dicelle messe

Euangle contient pure verite pourtant on dit en com
mun prouerbe il est vray comme euangle Selon saint
iehan crisostome Cest maltercable demonstration de ver
rite appeller ses ennemis a tesmoins. Et combien que
deuant et apres la verite apparaisse que laigneau sans tache
est iuste Toutefois icy produirons trois tesmoins a
la continuation de l'ystoire. Premier iudas son traystre.
lequel voyant quil estoit condempne meue de penitēce instru
ctueuse raporta les trente deniers aux princes des prestres
et anciens du peuple en disant iay peche en baillāt par trai
son le sang iuste. Verite par tout reluit dit saint iehan
crisostome le traystre de soy mesmes donne tesmoignaige.
et clost la bouche a ceulx qui sont condempne. Car en ce
accuse les princes de la loy qui a sa penitēce furent plus que
luy endurez. en luy disant que nous en chault il. **S**e tu as

fait folie si la prier dont il entra en desespoir et gettes les de
niers au temple sen partit et se pendit et creua par le milieu
si que les entrailles qui auoient conceu la traison cheurent
toutes dispersees. Le second tesmoing fut pilate qui apres
maintes accusations des iuifz aux quelles nostre seigneur
iesucrist ne respondoit riens tellement quil sen esmerueil
loit moult grandement Leur dist vous voyez deuant vous
que ie lay interroque et ne treuve en luy aucune cause en ce
que vous laccuses. Ne herodes aussi. Car il nous a ren
uoye. et rien contre luy nest fait digne de mort. Or auoy
ent acoustume en memoire de leur deliurance de la seruitu
te de pharaon roy de egipte de deliurer tous les ans a la
pasque vng malefacteur. Commencada bondance sur ce
a les prier en leur baillat option de luy ou de barrabas lar
roy infame meurdrier et traistre sedicieux cuydant ainsi le
iuste iesus deliurer. Car il sauoit quilz luy auoient baille
par enuie Et pilate se seant en son siege iudicial pour le ti
ers tesmoing luy enuoya dire sa femme nommee procula
Rien nest commun a toy et a celuy iuste. Tu nas point
de droit en luy. Car pour luy ay ennuyt plusieurs choses
souffert par vision Ce pendant les princes des prestres et
anciens du peuple persuadoient au peuple quilz demandas
sent barrabas a deliurance et le doulx iesus a mort. Tel
lemet q̄ aps maintes contradictions des iuifz crias a haulx
et horribles crys que il fust crucifie deffendant pilate a son
pouoir verite disat ql mal a il fait ie ne treuve en lui cause
quelcūque quant il nen peut plus pour faire fin a leuangle
dist ie suis innocent du sang de cest iuste. Si debuons dire
a grant desir le tresbon mot que les iuifz dirent a mauuai
se intention que son sang vienne sur nous. mais soit en ab
lution en baisant le liure ou la croix par deuotion & amour

Car il nous a le premier ayme et en son precieuz sang de
noz peche slaues

Credo de la messe

Le credo chanta a voix haulte et de piteuz et vertueuz
courage la tresdoulente vierge marie mere de dieu cō
seruant et gardant et conserāt en son coeur toutes ces cho/
ses et parolles. Car combien que sesmerueillaft moult com
ment cellui qui iamais nauoit fait peche estoit en si cruelle
mort liure. Toutefois iamais ne perdit sa foy. pose que en
tous les apostres la foy chancela et pource en elle seule chā
ce demoura ce que signifie la chandelle que es tenebres on
reserue en secret alumee toutes les autres estaintez tenant
par foy et croyant fermement que non seulement estoit hō
me iuste mais aussi estoit dieu. iuge iuste fort et pacient.
retournant en la lumiere de la foy a dieu le pere par trespi/
teuses prieres et requestes pour son chier filz ainsi traicte.
au filz par famillieres complaints au saint esperit par cor
diales douleurs dont saint anselme luy dit. Diteuse dame
et debonaire ie ne croy point que par aucun momēt de tēps
tu eusses peu soustenir les esguillons de si grant tourmēt
fors que iceluy esperit de dieu. le sperit de consolation. le sperit
de douceur de ton fiz pour lequel mourant si grandement
estois tourmētee. te confortoit te consoloit dedēs ton ame
qui ne pnoit pas la mort. mais plus tost triumphē en subiu
guant toutes choses a luy. et deliurant le royaulme a son
pere en la vie du siecle aduenir.

Loffertoire de ladicte messe.

Maintenāt selon saint iherosme est temps de asperger
le liure de nostre conscience de saig et l'entree de la mai
son de oraison et oindre le coeur et la pensee et enuironner
icelle de la corde de pourpre et la tenir en la main de bonnes
oeuvres affin que dignement puissions remembrier & racōter

ce que reste du sacrifice de la messe de nostre grant et souue-
rain prestre car tout le demourant nest que sang pour tant
se tourne le prestre desirant que dieu soit avecques le peup-
le Qui respond par amour et charite mutuelle. Ainsi soit
en ton esperit et se retournant dit Dremus. cest a dire priors
a dieu Ainsi que se tourna pilate a la turbe des iuifz disant
Voules vous que ie vous laisse le roy des iuifz Et ilz res-
pondirent tous a vne voix Non pas cestuy mais barrabas
Si leur dist que feray ie doncques au roy des iuifz et ilz le
gaignoiēt a crier soit crucifie si sen retourna et cuidant par
aultre voye le deliurer lors le fist prendre et despoiller tout
nu a grant honte. Et selon saint augustin tout estendu a
dens a terre frapoiēt sur son dos comme sur vne enclume
sans misericorde de fouetz trenchans le hacherent comme
chair a pastes depuis la plante des pies iusques au hault
de la teste le sang courant auual a grans ruysses. Apres
le font l'yer tresestroit et tresdurement a la coulomme dont
lune partie est a romme a saint praxede et lautre en les gli-
se de la montaigne de syon. Et icelluy sacre corps dit saint
iherosme la poicterine capable de dieu fut trachee a tour de
bras et les membres remplis de la diuinite furent tous des-
chires tout entour iusques es os Et le sang en grant ha-
bondence couloit. Ne luy demoura peau entiere Et selon
saint bonaventure eut icy cinq mille quatre cens soixan-
te et quinze playes. Ainsi luy chantoyent loffertoire et se
efforcoyent de le tourmenter et iniurier Vestant de vne robe
de pourpre et mâteau vermeil dont anciennement les roys
seulement vsoyent et le couronnerent de vng chapeau des
spines percantes iusques au cerueau. luy faisantes mille
poinctures selon saint bernard et saint enselme par quoy
son precieulx sang yssoit a grant habondance de tous cou-
stes et luy bailloyent en sa dexte vng roseau pour sceptre

royal et s'agenouilloient deuant luy en luy crachant au visage disans dieu te gart roy des iuifz et le buffetoyèt et fra poient avecques le roseau par moquerie et le sang couloit sus les crachas tant que il estoit horrible a veoir comment s'ingladre tout pourry selon la prophetie de ysaie

Coffrende ou offertoire de ladicte messe.

A donc pilate de rechief yssit hors et leur dist Des icy. ie le vous amaine dehors affin que vous congnoissiez que en luy nay trouue aucune cause voulant ainsi mitiger leur fureur Lors issit en ce piteux estat le doulx iesus portant la couronne des pines et le vestement de pourpre plain de douleur et de opprobre disant pilate dees icy l'homme ayez pitie de vostre semblable. dit le chancelier de paris maistre iehan iarson. quant vous voyes le prestre offrir l'ostie et le calice ou que vous venes a l'offrende vous deues figurer en vostre pensee par feruente meditation nostre benoist sauueur en tel estat piteable douloureux et miserable Car cest tout pour toy poure creature cest le pris de ta redẽption Offre lay a dieu pour appaiser son ire contre toy et dy quant tu te consacres recois ou bois a la messe. de cy l'homme qui pour amẽder mes meffets et pour moy aquiter enuers vo^r a souffert en tel estat Regarde en la face de iesucrist tõ filz qui pour no^r se offre plain de plaies de douleurs et iniures Sa doulce mere et ses aultres amis offriront leurs coeurs par pitie et compassion. mais plusieurs sont semblables a pilate. Car dit le sage qui offre de la substance des poures est comme celui qui immole ou tue le filz en la presence de son pcre Les indeuostz resẽblent aux iuifz felõs ne voulãs venir par pitie a l'offrende disãs de coeur endurcy oste le oste le il no^r est gref a veoir a uisie crucifie le voit pilate que en vain auoit laboure leur dist par indignatiõet moquerie

prenez le vous et le crucifiez car ie ne treuve en luy cause.
Mais pour cuider cōtēter vostre en ragerie et obstinatio ie
lay mis en cest estat lors cōme chiēs deshōtes luy dirent a
hault cry No^s auons la loy selon nre loy doit mourir car il
sest fait filz de dieu. adoncques quant pilate eust ouy ceste
parolle eust plus grāt freieur et craignist auoir mis la mai
au filz de dieu si le remena de rechef ou pretoire dees icy la
platene reportee a lautier

¶ Le lauabo de ladicte messe

Lors demanda pilate au doulyx iesus dou es tu . et il ne
luy respōdit riens donc luy dist pilate ne parle tu poit
a moy ne sces tu pas que iay puissance de te crucifier et de
te deliurer . Voies clerement cōment il se condēpne lui mes
mes respondit le doulyx iesus tu naurōis point depuissance
en moy aucune sil ne testoit donne de dessus . Et pour ceste
cause querit l'opportunitē pilate a le deliurer mais les felōs
mastins iuifz crioyent a haulte voix horrible Si tu le lais
se sans le condempner tu nes pas amy de cesar . Car qui
cunques se fait roy condredit a cesar . A ses parolles le mise
rable pilate aueugle dauarice et ābition amena dehors no
stre redēpteur a sa dextre de iniqte pour acomplir leur vou
loit sur le paue appelle licostratos nomme en ebrieu gaba
ta ainsi comme vers la piscine ⁊ estoit ia passeē leure de dix
heures du vendredy et selon aucuns luy enuoierent grant
nombre de pecune Et sis ou siege iudicial commença a resu
mer le proces en disant aux iuifz voy cy vostre roy le quelz
horriblement a vne voix secrioient Oste le oste le nous cru
cifie le . Amort amort amort D combien celle clamour strap
poit au coeur du doulyx aigneau sans tache nostre seigneur
iesucrist de sa tresdigne mere ⁊ de tous ses bons amis Pila
te leur dist crucifieray ie vostre roy respōdirēt a haulte voix
les euesques Nous nauōs roy q cesar et tousiours croissoit

le cry et tumulte du peuple de mendant quil fust crucifie.
Pourtant voulāt leur satisfaire pilate lava ses mains deuant
tous en disant cōme dit est Je suis innocent du sang et mort
de ce iuste Bien vous en souuiengne Mais toute leaue de
ce monde ne leust pas laue pour ce le preste se laue le bout
des doigts tant seulement a monstret ainsi quil doit estre ne t
mesmement des peches Venielz a sa possibilite pour parfai
re le demourant du sacrifice mais les peruers ostines pe
cheurs ne font compte de leurs grans et enormes peches en
plus que les iuisz qui non seulement se assuiectirent aux rō
mains qui apres les destruisirent mais aussi au grant dia
ble disans Son sang soit sur nous et sur noz enfans. dōt ius
ques a maintenant souffrent la peyne ceulz qui demourēt
obstines en infidelite

C Le retour vers Lautier

Lors se tourna l'iniq̄ et peruers pilate a pronōcer la sē
tence p̄tre l'innocēt iesusaigneau sās tache qui se mist
a genoulz deuant luy selon aucuns docteur s contemplā
tisz les mains ioinctes les yeulz leues a mont en plorant.
Icy court la fontaine de pitie et misericorde ou se doibuent
lauer ceulz qui celebrent ou oyent messe et la sentēce gettee
contre lui baisa la terre en remerciant dieu son pere. ainsi le
fol et inique president contre tout ordre de iustice laissa aux
iuisz barrabas et leur liura le douly aigneau de dieu a leur
voulente. ce que iamais on ne fait ne a traistre ne a meur
drier mesmement de ses parens mais leur peine est limitee
affin quil apparaisse quelque misericorde Ce que fust gar
de aux deux larrons qui furent ainsi condempnes a estre a
uec luy crucifie Aisi a este pose l'aigneau tout innocēt aux
loups lyons chiens affames a le traicter cruellemēt a leur
voulait pourtant ce quilz pouoient penser d'affliction de do
leur de blapheme de mocquerie & d'infamie comme silz neuf

c.i.

sent rien encore faict eviron luy sans quelcunz misericorde de
rechef lui faisoient car maistre iehan tarson dit qlz le firent re-
battre uestir de pourpre et recouronner des pines et come de-
uant adorer par mocquerie ce pedant que les sergēs croyēt p
les rues que chescū se rendist en la montaigne de caluaire
pour le veoir crucifier et quō queroit ce qui failloit et apres
quilz eurent a leur vouloit mocque luy deuestrēt le pourpre
affin que lon le congneust et le descouronnerent et luy vesti-
rent ses vestemens et le recouronnerent. Nāque ne scauroit
dire ne coeur penser ne main escrire la douleur et la peine q
pour nous endura

C Suscipe sancta trinitas

Le filz de dieu eternal se chargea lui mesmes de la croix
et la portant yssit de son bon gre et pure voullente sans
aucū pourforcemēt a Venit en caluaire. en portāt la croix il
portoit le sceptre de son empire sur ses espales elle estoit lo-
gue de quinze piez pesante cens liures et ainsi est courbe et
incline nostre souuerain prestre deuant lautel de la maieste
diuine portāt noz pechez sur la croix en la chasuble de sa tres
gracieuse humanite en priant la bienheureuse trinite que li
fluence de la plenitude de grace descendāt es bienheures cō-
prehenseurs sestende iusques aux viateurs. Bien luy aide
toies si de bon coeur tu portoes la croix de penitence apres
luy nompas comme symon cireneus a qui ilz firent faire ce-
ste conuee pourtant quil estoit si debilite quil trembloit tout
et plus ne pouoit faire pas car sa douleur ceust si fort quāt
il recontra sa doloureuse mere a lyssue de la cite qui cestoit
hastee par le plus court chemi pour soy mettre en lieu pour
le voir a son aise si sentre regardoiēt piteusemēt dont le dar-
de douleur perca leurs coeurs en ceste aduersite comme le
dard damour lesperoit en prosperite tellement quil appuia
sa croix sus vne pierre de tristesse. et sa doloureuse mere
cheut toute pasmee auquel lieu depuis fut faicte vne esgli

se nommee nostre dame la pasmee. Et ainsi pour haster sa mort contraignirent ledict symon pere de ruffus et alexander disciple de nostre seigneur qui estoit payen venant du vilage en la cite porter sa croix.

C Orate pro me fratres

A ce petit arrest se leua nostre grant et souuerain prestre et baisa lautel de la croix par grant amour et affection puis se tourna aux femmes qui le lamentoyent plaignoient et plouroient Et leur dist. pour Orate pro me fratres Filles de iherusalem ne veulles pleurer sur moy mais sur vous mesme et sur voz enfans car cy apres viendront les iours esquelz lon dira benoistes sont les brehaignes et les ventres qui nont point engendre et les mamelles qui nont point alecte Lors commenceront a dire aux montaignes chees sur nous et aux roches couutes nous Et fut accompli la destruction de iherusalem qui fut figure de leur dempnation pardurable car si au bois vert ilz font telles choses au sec qui sera il fait qui parfaictement cecy penseroit plus dur que pierre seroit sil ne trembloit de paour. Si iustice est tant dure ou elle iuge ainsi pour remission que sera elle quant elle iugera par condempnation. plurons doncques et prions dieu car il fault faire penitence cy ou ailleurs

C Les secretes

Retourne apres a son chemin a lautier a la montaigne de caluaire disant ses secretes oraisons iuste les premieres du iardin.

C Le per omnia du preface de la messe

Et venu au terme et fin de son pelerinage les seigns iuifs luy chaterent le grant poia sur la teste. Vllas crias et menans grant ioyez ses bons amis plouroyent par pitie et compassion icy est cote le meillieu de la messe ainsi en caluaire meillieu de la terre habitable nre redempteur ouure nre salut afin que la

congnouissance de la foy et merite de la passion fust a tous
vniuersellement equalle. **E**t pourtant les secretes se
finissent a haulte voix. Car combien que le prestre prie
pour soy singulierement. toute fois il prie pour le peuple mi
nisterialement demandant leur assentement pourtant lon
respont amen. Ainsi soit il sans faulte car nostre redempteur
est faict a tous a luy obtemperans et obeissans cause de
salut eternel et nul ny prent qui ny met son coeur par foy es
perance et charite deuotion et reuerence pourtant cela dict.
le peuple se lieue Lors sonna la trompette fust crye a hault
te voix qui vouldra veoir iesus de nazareth hie faulx prophe
te crucifier si sauance de monter si y mota cet quatre vings
mille personnes selon maistre francois chimenes patriarche
de iherusalem en son liure des angelz

¶ Le Dominus vobiscum

Que pendant que lon faisoit lappareil de la crucifixion
fust mis lie nostre seigneur en vne chartre que len mo
stre encores aux peleurins soubz le lieu ou il fut crucifie. **E**
commence la pface Au premier desire nostre prestre que no
stre seigneur dieu soit avecques nous et on luy respont Et
soit aussi en ton esperit affin que ce nous puisses impetret

¶ Sursum corda

Quis fut tire amont quant tout fut prest en nous emou
uat lassus noz coeurs. Lon respont nous les auons
a dieu telle fois que lon ment et est la plus solempnelle me
songe qui soit en lesglise de dieu. **¶ Gracias agamus.**
¶ Ja commencent les haultz misteres de nostre redemptio
car saint augustin dit que saint ieroisme trouua par les an
ciens docteurs hebreux que ou lieu ou fust mise la croix de
nostre seigneur fust immole le mouton qui tenoit par les cor
nes aux espines du buisson que immola et sacrificia a dieu
abraham pour isaac. Les cornes des clous es mains et es

pies tindrent le doulx aigneau de dieu couronne despinces
en la croiz & ainsi sacrifiee l'humanite demoura la diuinite
en vie eternelle dot le prestre admoneste a le remercier en
disant rendons graces a dieu Et on luy respond cest chose
digne la chose est iuste car cest nostre seigneur et nous som
mes ses ouailles

¶ Vere dignum et iustum est

Regarde maintenant comment tresctuellemēt on le des
pouille derrenierement et pense que on le descouron
na pcy la seconde fois a grant peine et douleur et pourtant
que les bestemens estoient ia glaces & tenās a son precieuz
sang si ce ne pouoient les tirer Si vindrent les bourreaux
et a grant violence le despouillerent a rebours tellement q̄l
luy renouellerent toutes ses playes a plus grāt douleur
que deuant en emportant sang cuir et chait a grans morces
aux ainsi demoura l'aigneau sās tache tout escorche au dēt
que en ses plaies courantes de sāt a plain entroit et moult
ce l'affligoit et cuisoit estant tout nu sans draps linge s a
grant honte de sa virginite selon saint ambroise Et la tierce
fois selon maistre iehan l'arson le recourōnerent du chapeau
despinces lors fut accōply selō saint bernard ce que ysaie dist
que les angelz pleurerēt amerement voyant leur roy et sou
uerain seigneur en tel estat si doit lon esleuer son coeur a es
couter a grant deuotion le prestre que remply de ioye espi
rituelle pour la responce ouye enflamme de charite chante
a haulte voix. Vraiment digne et iuste chose est de equite
et salutaire que uous rendons tousiours et en chasun lieu
graces a ton saint pere eternel dieu omnipotent dieu par ce
saint sacrifice aigneau sans tache nostre seigneur iesucrist .
Par lequel les anges louent en leffect de leur reparacion.
et de nostre redempciō ta maieste les Dominations ados

c.iii.

rent ta bonte e les puissances par admiration tremblent et
tremissent ta iustice. les vertus les tresnes cherubins et se
raphins avecques les archanges te louent continuellemēt
chantans adne Voix sanctus sanctus. sanctus.

¶ Les sanctus de la messe

Avecques lesquels debuons en grant humilite de coeur
a de bouche les dire frappans noz culpes de originel.
Beniel et mortel peche contre le pere le filz et le saint esperit
Vng seul dieu pere omnipotent de loft. excercite des anges
en beneissant le filz de dieu qui est venu dont les cieulx et la
terre sont plains de la grace et gloire de dieu Car deuant &
apres on prie par le merite de ceste douloureuse passion que
nous ayons saluacion lassus en paradis

¶ Le commencement du canon de la messe teigitur

Que pendant que le chorus telles louenges chante No
stre souuerain prestre abaisse sa voix il nest pas es
cript en leuangile. Mais piteusement selon saint bonauē
ture en ces contemplations on peut croire qui se inclina de
uant lauiel de la croix couchee a terre les mains iointes
en monstrant le desir quil auoit de nostre redemption fai
sant a dieu son pere cordialle oraison. Toy doncques no
stre pere tresclement. Je te prie supplie et requier que tu ac
ceptes et beneisses ces dons de mon ame. et de mon corps
vnis a la persōne de moy ton filz qui mas liure de trop grā
de charite en ceste croix crucifie. Voies icy la premiere croix
ces largesses que iudas a liuree par son auarice et par trai
son Dees icy la seconde croix ces saints sacrifices sans tas
cheque les iuifs par enuie ont liure par vengeance. Dees icy
la tierce croix que le prestre faict au commencement du fait

canon. C'est bien a croire quil baissa la croix ainsi le pres-
tre en soy leuant baise lautel disant. recoy moy ton ayme
filz qui me offre en sacrifice pur sans macule pour le salut
de l'humain lignaige et remission des peches. ia cessent les
sacrifices du viel testament Deez cy le corps de ton filz tout
escorche ia sont passes trente trois ans et ay aeu tousiours
les yeulx de mon ame a ceste croix en la desirant pour sa-
tisfaire a ta iustice elle me plaist et ie l'accepte.

Le memento des viz

Apres sire memoire de tous les viuans de vie de grace
finale ce sont les esleus et predestines pour lesquelz
ie suis prest et me offre moy et tous mes membres et ma
saincte mere patriarches anges et prophetes apostres mar-
tirs et tous les saints en communication de merites et pri-
eres presens et aduenir

Hanc igitur oblationem.

Qeste donc oblacion te prie requier que tu receues pour
seruice agreable de moy et des miens en placacion et
satissation de l'offence de l'humain lignage en leur faisant
remission de la coulpe et de la peine due iustement pour
leurs peches a leur donne avecques les anges paradis eter-
nellement.

Quam oblationem tu deus

Laquelle oblacion doulement estedit bras maie
a pies sur lautel de la croix les yeulx au ciel leues cō-
me dōnant congie aux bourreaux de le crucifier si prindrēt
vne des mains et a grant force et violēce latacherent avec
vng gros clou mal forge par le meillieu des nerfz qui la se-
retiroient pour la doleur. pourquoy lautre main ne pouoit

atoucher au pertuis que deuant auoient fait. Si la tirerēt
auecques cordes si Violentement que les veines rompirent
Et les ioinctures furent selon aucuns desseures comme a
deux doits et ainsi cruellement estendit ses bras roides com
me vne corde darc tendue ou peau de parchemin sur herse.
Lors fust leue amont selon saint bonaventure et saint ihes
rosme le corps bransāt et sa et la Nicolas delira dit quil fut
tout cloue a terre et que auecques cordes laschees aux esse
les et au dessus des pies lung croise sur lautre le trainerēt
tellemēt que ioupte la prophetie du psalmiste dauid on pou
oit nombrer tous ses. os ainsi fust demembre laigneau de
dieu au sacrifice a si grant martire que ce fust la plus grāt
doulleur quil ait souffert sans mourir ainsi quil a depuis re
uele et debues noter que celui qui dicelle excessiue douleur
graces luy rendra aussi agreable seruire luy fera comme sil
oignoit ses playes de precieulx oignement. **D** si vous leuf
ses deu en tel estat ainsi tormētē iusques a la mort. ie crois
que a tout le moins eusses aeu pitie et compassion.

La consecration et leleuation de ladiete messe

Icy legieremēt passe a declairer les secrets de ce pas re
memoratif de cestuy excellent mistere **C**ar dist salt
denys que ce nappartient pas aux anges mais aux homes
diuins a dieu consacres p lordre de prestise qui ont puissan
ce de consacrer son precieux corps en memoire dicelle pas
sion douloureuse souffise doncques tant seulement sauoir
considerer que en foy esperance et charite debuons adorer
dieu createur redempteur et remunerateur entre les mains
du prestre a la leuation ainsi que si no^r le voions des peulx
corporelz en lestat que il fust leue en larbre de la croix.

Lors croissent les plaies des mains et des pies avecques
excessiue douleur pour le seis du pois du corps dont couroit
le precieulx sang du filz de dieu viue source de la fontayne
de misericorde tout espedu pour no^r et separe dauec le corps
a ce signifier soubz double espee nostre redempteur istituua
le saint sacrement de lautel son corps soubz espee de pain
son sang soubz espee de vin. Combien quil soit soubz vne
chescune celuy toutq se siet a la dextre de dieu son pe en diui
nite ame corps et sang par concomitance car tout est vni et
conionct ensemble inseparablement o combien est malheu
reux qui en soy ou aulrement vilipede et deshonoze en fait
en dit ou en pese la dignite sacerdotale ou de prestrie adoc
ques deuant quilz esleuassent amont nostre seigneur cruci
fie avecques trois clous sel o la plus commune oppinion p
lestrois pmieres croix que le prestre fait quant il vient a la
consecration et les autres deux signifient la separation du
sang precieulx de avecques le corps sacre Et pour les deux
espees consacrer les signe de rechef le prestre du signe de la
croix lune apres lautre Pilate escripsit le tistre le posa sus
la croix. ce que signifie le prestre couurant le calice de la pa
le. ou corporalier et estoit escript en ebreu grec et latin iesus
de nazareth roy des iuisz ce diuinemet fut procure selo que
dit raban^r Car il est roy et prestre ensemble. Parquoy en
offrant en lautel de la croix le sacrifice de son humanite ne
pert pas sa roialle dignite mais reluist sus la croix en per
petuelle stabilite. car comme dit saint iherosme cccij faisoit
a la gloire de dieu combien que les iuisz ygnorassent sa ver
tu qui est si grande que les ennemis denfer ne la peuent des
oir souffrir ne ouyr Et est vng singulier remede contre tou
tes temptations mondaines charnelles et dyaboliques Ne
ant mains que pilate le fait en ce moquant des iuisz par ve
gence donc leurs euesques luy dirēt Ne veulles pas escripre

roy des iuisz mais quil a dit ie suis roy des iuisz boullans
luy imposer arrogance et presumption Mais pilate se tint
ferme disant Ce que iay escript iay escript Ainsi auoit este
prophetise par le psalmiste. Ne corups pas linscription du
tiltre ainsi leuerent la croix ounee du filz de dieu et la plan-
terent au rocher qui encore apparroist caue et pour le branle
on peult piteusement croyre que tout son sacre corps derrie-
re refrappa ala croix dont toutes ses plaies furent renou-
ueeles les ionctures desurees et les veines rompues et ses-
lar gissoyent les playes En la consideration de laquelle do-
leur debuons avec amertume de coeur dedirer ame & corps
en son saint seruice

Hec quotienscunqz feceritis

En ceste angouisse iudicible yssit vne flamme du feu da-
mout quant il dit pere pardonne leur car ilz ne scauēt
quilz font en leur pardonnant de bon coeur. en soy faisant
leur intercesseur et En les excusant en nous enseignant de
fait ce que de parole auoit dict pries pour voz persecuteurs
donnant vove et opportunitē aux pecheurs de soy repētir &
acquerrir pardon de leurs peches. car silz congnoissent bien
parfondement combien est grande la maieste du iuge. com-
bien est grande la benignite du pere quilz contempnēt et des-
prisent. combien est grande lordure et tache de peche en leur
ame quilz ont soullie et combien grande est la peine den-
fer a iamais durer quilz encourēt par peche mortel iamais
neouldroyent soy consentir a peche. Pourquoy bien dist
aristote que tout pecheur est ygnorant. Si debuons bien a-
uoir ce benefice de memoire en frappāt noz poitrines deuant
nostre dieu iuge misericordieux pere createur et seigneur re-
dempteur iustificateur sauueur et glorificateur. car a ceste
cause principalement a ce saint sacrement institue disant.
Hec quotienscunqz feceritis. &c. touteffois et quantes ces

choses feres. Vous les feres en memoire de moy.

Conde et memores. etc.

Aeste cause come poures fers rachetes du gibet et des
prisons denfer de buons icy reconnoistre nostre precieus
seigneur et pere qui nous a rachetes d'ung si grant pus et le
glorifier porter son non et le seruant dame et de corps et de tous
nos biens en luy faisant foy et homage par adoration de la
trie qui est deu seulement a dieu que nous tenons tout de luy
seulement si de buons a l'exemple du pere qui est tout droit assistet
esleuer nos coeurs et nous presenter icy en appliquant nos
stre memoire entendement et volente par foy esperance et
charite pensans en profonde humilite et deuotion de coeur
le greif tourment que lors souffrit quant tout le fais de son
precieus corps tenoit seulement es clous qui rompoient et
eslargissoient avecques grand violente les playes des mains
et des piez dont couroit sang de la fontaine de misericorde a
quatre ruisseaux et le cinquiesme issit apres sa mort de son
coste par la lance de l'ogis combien que des maintenant les
pointures de la couronne des pines refrappee dudit branle
a la croix tiraient tellement le demourant du sang de la te
ste quelle sembloit vng grant ruisseau pourtant fait le pre
stre cinq croix en ce pas Si de buons avec luy prier de gran
de affection dieu nostre souuerain seigneur nostre pere crea
teur sauueur et redempteur quil luy plaise par sa pitie et mi
sericorde accepter ce sacrifice de son seul filz naturel ainsi que
accepta le sacrifice de abel abraham et melchisedeth.

CSupplices. etc.

Et pour recompense des iniures moqueries et blaphemes
quil souffrit lors pour nous en toute patience le prestre
secline en priant que ce saint sacrifice soit presente par
les mains du saint ange a l'autel de lassus en la presence

De la diuine maieſte **A**insi nous debuons nous parfonde-
ment humilier considerant quil cest humilie obeissant a s^{on}
pe iusques a mort inominieuse de la croix en lieu abhomi-
nable entre deux larrons tout nu deuant cent quatrevingz
mille personnes dont les passans le blasphemoyent branlās
leurs testes et disant . **B**arth qui destruyſ le temple de dieu
et en trois iours le reedifie **S**emblablement les princes des pre-
stres avecques les anciens et scribes soy mocquans disoi-
ent **I**l sauue les autres et il ne se peult pas sauuer il se cō-
fie en dieu le deliure sil veult maintenant car il a dit ie suis
filz de dieu sil est roy d'israel descende maintenāt de la croix
et nous croyrons en luy . **L**es bourreaux cheualiers aussile
demonoyent diuisans par entre eulx en quartiers sa coste
et iouerent de sort a qui auroit la robe inconsutible **V**enās a
luy luy offroyent vin aigre a boire mais nen voulut point
boire et luy disoient si tu es roy des iusz sauue toy et nous
donne salut **C**ecy mesmes luy reprochoyent les larrōs qui
estoyent avec luy crucifies **D**es icy quatre maniere de gēs
ainsi que les quatre cornieres de lautel de la croix . **D**onc no-
pouons auoit participation en leuant noz coeurs au sacre
corps et precieux s^{an}g de nostre redempteur pour noz pechez
lie batu et decrache **P**ourtant le prestre baise lautel par de-
uotion et amour de dieu en lui requerant que par sondict sa-
cre corps et precieux sang nous soions remplys de toute bō-
te et b^{en}ediction celeste et de sa grace en faisāt les trois croix
sur les ses deux especes de pain et de vin et sur soy

¶ Le memento des loyaux trespassez.

A ceste fournaise du feu damour et de charite enflam-
me faict le memēto des loyaux trespassez car incon-
tinent que nostre seigneur fut crucifie selon saint iherosme
et saint iehan crisostome les diables sentirent la vertu de

la croix et congneurent que leurs puissances estoient fort
diuines et se mettoiēt a nient et au bas pourquoy labouroy
ent qui descendist de la croix par les blaphemes dessus dictz
Mais luy qui cōgnoissoit leurs machinations persista et
demoura perseueramment en la croix pour les destruire
dont se resiouyssoient les saintes ames du limbe des peres
et de purgatoire attendans leur prochaine deliurance et tien
nent communeement les docteurs modernes que toutes fu
rent deliurees a la venue de lame bien euee de nostre sei
gneur quant elle partit de son corps et descendit es enfers.
pour la nouvelle applicatiō du merite de la passion a elles
et par diuine iustice fut recompensee la duree & longueur en
griefue et dure aspresse de peines et de douleurs lors souffri
rent ainsi que sera faict apres le iour du grant iugement ge
neral en la fin du monde dou nous sommes pres Si est pi
teusement a croire que nostre souuerain prestre faisant son
sacrifice prioit pour elles Pourtant debuons luy prier quil
ait memoire d'elles et que de sa misericorde et bonte infinie
sueille leurs peines relascher et repos eternal en paradis
leur donner.

C Nobis quoque peccatoribus.

Desirant le prestre la consommation de lesglise trium
phante de ferueur haulce vng peusa voix en disant
Nobis quoqz peccatoribus frappāt sa poitrine representāt
la contrition et confession du bon larron qui e n cest article
de la mort et passion de nostre redempteur & sauveur reprit
son compaignon duquel saint lucas dit que lung des lar
rons qui pendoit le blaphemoit disant Si tu es crist sauue.
toy mesmes et nous. Et pour concorder les euangelistes ti
ennent les docteurs que par auant tous deux le bsaphe
moient mais apres conscience reprint le bon larron ensei
gne et instruit de celuy qui pendoit en ce lieu au melieu doy

ant sa patience et les miracles qui furent lors fais en toute
la machine du monde si se repentit et blasmoit lautre en di
sant. Et ne crains tu point dieu qui es en ceste dempna
tion. Et confessa sa propre coulpe en disant Et nous cer
tes iustement sommes condempnes Car nous recepuons
choses dignes a noz fais ainsi que lauons desserui. Mais
cestuy na point fait de mal Ainsi preschoit aux assistens lin
nocence de nostre seigneur mais voids q nen faisoiet cõpte re
tourna conuenablement a celuy qui doit les coeurs et luy
disoit Sire apes memoire de moy quant tu seras venu en
ton roiaulme. Ainsi debuons cy demender a dieu par foy
esperence et charite en son e temple part portion ou compai
gnie de leur seigneurie en ce glorieux royaulme de paradis
Nompas par lestimation de noz merites. Mais en nous
faisant misericorde et pardon Et il nous donnera plus que
nous ne demandons ainsi quil luy feist en luy disans. Au
iourduy seras avecques moy en paradis Et ainsi que Vng
Victorieux roy retournant de la bataille pour triumphe me
ne avecques soy les plus notables prisonniers. Ainsi faict
nostre roy souuerain Victorieux de lennemy denfer maine
le bon lartõ avecques luy en paradis Et nest pas merueil
les si tant abondamment la doue et enrichy declairant le fait
de sa passion quil souffroit tresamerement pour nostre re
demptiõ et saluation car il luy dist huyt beaulx mots de
tresample misericorde les trois premiers amen dico tibi fi
gure les trois croix que faict icy le prestre sur le saint sacre
ment. Hodie mecū eris les trois a loftie sur le calice in para
diso deca le calice

C Le per omnia de la patinoſtre

Et pource que dabondance de coeur la bouche parle le
prestre rempli dardeur de charite ne se peust contenir

Mais dict a haulte Voix per omnia secula seculi. signifiât la
grant amour que le doulx iesus nostre redempteur auoit
a sa tresdouloureuse mere congnoissant et Voiant sa deso-
lation **D** bon iesus dit saict bernard tu souffres grant ma-
tiere de douleur au dehors. **M**ais moult plus grâdes au
dedens a ton coeur par compassion mesmes de la douleur
et angoisse de ta tresdigne mere participante avecques toy
par experience réelle **L**es apostres dit saint ambroise sen
estoyent fous la tresroyalle mere la vierge marie estoit
iouyte la croix toute droicte regardant de ses piteux yeulx
les plaies de son cher filz son dieu son pere son espoux frere
et amy tout son soulas et parfaicte ioye congnoissante que
par sa mort et passion amere il rachettoit tout le monde pre-
cieusement comme redempteur et saulueur de noz pures
ames **V**iens doncques dit saint enseulme avecques ceste
trespiteuse mere et avecques saint iehan a la croix et contē-
ple au plus pres que tu pourras la face de ton redempteur
toute couuerte de crachas et sang siege enfle e nercye toute
defaicte et tout son sacre corps comme celui de vng ladre.
Lors ne pourras demourer la longuement sans plover par
pitie et compassion quant tu verras les larmes de la mere
de misericorde de laquelle le glaive de douleur tout a trauers
passa lame et ne seras pas sans compassion sospirs et ge-
missemens ouyans le filz dire a sa mere demourant le glo-
rieulx saint iehan **F**emme heez cy ton filz **E**t a saint iehā
heez cy ta mere. **E**n laquelle recommandation selon saint
bernard hugues de saint victor et les autres docteurs nō
seulement elle fust lors baillee a mere au glorieulx saint
iehan. **M**ais toute sainte esglise tous les fideles et loys
aulyx crestiens luy firent recommander comme enfans a
mere car ainsi que nous a este necessaire la mort et passion

De nostre pere ihesus qui ainsi nous a rachetés Aussi fust ne
cessaire ceste recomandation de nostre mere aduocate des pe
cheurs qui nous secourust aidast et pour nous intercedast.
pourtant respondons au prestre amen ainsi soit il parquoy
se monstre estre nostre mere et par elle recoit noz prieres es
cieulx qui pour nous a voulu estre son filz et nostre frere et
de present es cieulx nostre pere lors le prestre dit orem^s. cest
a dire prions nostre seigneur car a ce nous sommes admon
nestes par les commandemens de nostre sauveur et infor
mes par diuine institution tellement que nous osons dire
nostre pere qui es aux cieulx lequel ainsi que dit saint am
broise testa en la croix et fist son ordonnance diuisât offices
de pitie entre sa digne mere et son ayne disciple il ordonna
aussi testament non seulement publique mais aux dome
stique **C**e testament signa saint iehan digne tesmoing et
notoire de vng si grant testateur bon testament et vtille nō
pas de pecune ou chose temporelle mais de la vie eternelle.
Escript veritablement nō pas d'atrament ou aynte mate
rielle mais selon les drois des cheualiers loiaux mourans
en bataille sur lespee de la croix de son sang precieus avec
ques le doy de dieu le viuant vertueusement escripuât sept
beaux mots ioupte les sept petitions de la paternostre

C Le pater noster de la messe

Le glorieus amy de dieu monseigneur saint bonauen
ture en son breuiloque et compendion theologal tient
que combien que dieu soit tresliberal et plus prest a donner
que ne sommes a demender et prendre toutesfois il veult q
uons le prions affin quil treuve en nous disposition en ac
croissement de nostre merite a recepuoir les grans dons et
graces lesquelz par sa misericorde nous veult eslargir et dō
ner et veult estre prie non seulement par oraison mentale q
est eleuation de coeur en dieu Mais aussi par vocalle qui

est petition de choses decentes et conuenables non seulement
par nous mais aussi par les saints et saintes dignes de p
ler a dieu pour nous qui en sommes indignes Et affin que
ne soyons incertains par ignorãce nous a enseigne a prier
quãt luy mesmes composa le pater noster et le aprint a ses
disciples Si doit doncques vng chescun bon crestien le sca
uoir et le dire souuent en toute deuotion pour sa dignite bre
uete et vtilite . car il comprend vniuersellement tout ce que
debuons demender a salut et pourtant que dieu est iuste et
misericors il ne doit pas exaulcer noz prieres forses choses
qui tournent a son honneur et a nostre salut telles sont ces
les qui appartiennent au loyer et remuneration du pais de
paradis et au viatique et refection de la voye chemin et pe
lerinage de ceste vie mortelle pour le premier sont les troy
s premieres petitions qui conceruent l'onneur de dieu et le loyer
de paradis cest assauoir congnoissance & intelligẽce de diui
ne verite/reuerence a la diuine maieste et cõcorde de humai
ne avecques diuine voulente En la premiere est vision de
souueraine verite laquelle nest point veue fors des purs &
nets de coeur et saintes personnes et ce on demande en di
sant soit sanctifie ton nom cest a dire la congnoissance de
ton nom soit donnee aux saints purs et nets de tout peche
Telle estoit la trespure et nette vierge la tresdigne mere de
dieu pourtant ne perdit la foy et congnoissance dussilz de di
eu et du sien stabile et perseuerãt ioupte la croix si la recon
gneut l'aigneau de dieu comment mere en luy disant le pre
mier mot Femme aultresfois quant es nopces elle luy pria
qui suppliait le deffault du vin. apres ne la recõgneut pas a
mere mais luy dist femme ce deffault de vin que appartient
il a moy et a toy car d'elle nauoit pas prins puissance de fai
re miracles et en ce ne auoient riens commun ensẽble mais
selon saint agustin maintenant heez cy leure de laquelle il

parloit quant il disoit mon heure nest pas encore Venue car
il se monstre maintenant quil est homme passible et mortel
et tel le voit et cognoist en pitie et compassion le recongnois
sant a souuerain seigneur par la seruante foy quelle auoit
de sa diuinite pose que par compassion toutes ses saintes
entrailles estoyent commeues dirigant grace la nature de
femme Pourtant ne luy dist pas mere mais femme affin
que ne aggrauast son coeur de douleur. La seconde est ten
cion et reuerence en la souueraine maieste de dieu Par la
quelle serons roys et aurons le royaulme de paradis. Et
se lon demande en disant aduienne ton royaulme Ce te
noit en son desir la royne du ciel pourtant luy dist le second
mot. **Ecce.** Deez cy ton roy le royaulme de dieu est dedens
toy la tierce est la stuition de la souueraine bonte laquelle
nest pas donnee fors a ceulx qui se conforment et concordēt
du tout a la volente de dieu et ce len demande en disant.
soit faicte ta volente au ciel comme a la terre la tresbenigne
Vierge tousiours fut conforme a la volente de dieu si que
par son consentement le tira a estre son fisz pourtāt luy dist
le tiers mot. **Filius.** qui est mot damour et damitie. Dont
les pilozophes morelz disent q̄ vng mesmes vouloir et non
vouloir ont les vrais amis. les autres quatre petitions co
seruent la voye le chemin et le pelerinage de ceste vie mor
telle dont la quarte contient tout ce que appartient a la con
seruation de ceste vie presente. soit selon lesperit ou selon le
corps et se lon demande en disant. **Nostre pain** quotidien
Donne nous en ce iour tant espirituel que corporel. Ceste
tres aymee dame a este faicte comme la nauire duna mar
chant laquelle a apporte de loing son pain. Cest le douly
fisz de dieu lequel icy la fait sa despenciere a nostre mere en
disant le quart mot. **Tuus.** Si que vng chescun luy peult
dire avecques le psalmiste **D sire** pourtant que ie suis ton

serf. car ie suis rachete et filz de ta chamberiere & ancelle et
ne suis plus digne de estre appele ton filz pour mon mau/
uais gouuernement prodigue say moy comme vng de tes
mercénaires & aloues qui en ta maison habondent en pain
et sont nourrys et sustantes. Les troys derrenieres petis
cions sont pour debouter et oster tout mal passe present et
aduenir ioupte les troys mots quil dist a saint iehan son
apostre et euangeliste. La cinquiesme doncques petition
est de remission des peches du temps passe et se lon demãde
auecques la balance de misericorde en disant. Pardonne
nous nos peches noz debtes ou maulyfais ainsi que nous
pardonnons a nos debteurs ou malfaicteurs et pourtant
dit saint iehan. Ecce bees cy laigneau de dieu. Veez cy qui
oste les peches du monde pardones doncques. et il vous
sera pardonne. La sixiesme est victoire de temptation Se
lon demande en disant. Ne nous laisse point cheoir en tem/
ptation. Pourtant nous donne ayde confort et esperance
disant le sixiesme mot. Mater. car cest la mere de toute
dilection de congnoissance/ de crainte/ de grandeur espritu/
el et de sainte esperance terrible aux ennemis comme vng
ost de gens dar mes bien ordonne a ses aduersaires. La se/
ptiesme est contre loppresion des mauly a aduenir en di/
sãt. mais deliure nous de mal a ce nous pourueut le doulyx
ihesus quant il dist le septiesme mot. Tua. Ainsi que dit le
pere a laisne frere du prodigue. Toutes mes choses sont
tiennes et les tiennes sont miennes disoit il a son pere luy
priet quil nous preseruast de mal.

CDelibera. ꝛc

A ceste oraison doit chascun bon crestien de tout son
coeur attendre. Affin destre participans es grans

8.iiii

biens que on y demande pourtāt le prestre ne la dit pas tou
te mais laisse la derreniere petition laquelle le peuple doit
humblement et deuotement dire. et lors dict le prestre amē
qui signifie que sans faulte et nulle doubtte dieu donnera ce
que lon demande piteusement mais que nous ne luy fail
lons pas de conuenant Et ce dit tout bas. Car il nest pas
cōuenable que chascun sache quil est exaulce: affin que no
tenons tousiours en humilite crainte et diligence de labou
rer a nostre saulement Ainsi en toute paiz dicelle heure
la print le disciple en la sienne mere Aussi ne cessa point no
stre souuerain prestre de tout bas prier et sacrifier pour no
deliurer de tous maulx passes presens et aduenir combien
que on ne le voit point car depuis ceste heure de sixte iusq̄s
a heure de nonne furent faictes tenebres sur la terre vniuer
selle Affin que nostre deue ne soit vague au dehors Mais
retourna au dedens du coeur a considerer les choses qui es
toient lors faictes contre le benoist filz de dieu si que noz cō
templations et oraisons soyent plus seruantes et que soy
ons mieulx disposez de recepuoit si grant et hault sacremēt
et a participer le merite de sa mort et passion douloureuse p
lintercessiō de la tresdigne benoiste & glorieuse mere de dieu
marie des benoistz apostres saint pierre et saint pol et saint
andre avec tous les saints A lexemple du prestre qui avec
la platene se signe de la croiz en disant donne moy misericor
dieusement paiz en noz iours en signe que nous sōmes
reconsilies par la croiz mort et passion du doulx ihesus et
serons heritiers du royaulme des cieux. Car la platene
est ronde signifiant la trinite sans commencement et sans
fin tellement aydes de sa misericorde que nous soyons de
tous peches deliures et de toute perturbation assurees.
Par icelluy nostre doulx seigneur ihesu crist qui ce pendant
que estoit en la croiz languissant les peines croissoient et

fort saffle biffoit tous les membres tiroient a la mort. Les
genoulz luy ploioient pour le fers du corps et les mains et
les bras pres que rompoient pourtant icy froisse le pres
stre loftie

Duys a haulte voix dist per omnia secula seculoru signi
fiant que enuiron heure de none se scry a haulte voix
le doulz iesucrist nostre souuerain prestre disant. Hely hely
lamarabatany Cest a dire mon dieu mon dieu pourquoy
mas tu delaisse ou dit origene. Ne estime pas q le sauueur
dye cecy par enfermete humaine pour la pene quil souffroit
en la croiz si ainsi lentès tu ne orras pas sa grande voix la
laquelle monstre quil ya aucun secret mistere car lors cesse
rent les tenebres et reuint la lumiere Boulāt doncques mō
strer le iuisz demourans en tenebres pour la plus part estoit
ent delaiesses pour le salut des payens procurer ainsi que sil
disoit quel bien ont fait les payens qui recepunerōt ma foy
et ma loy crestienne que par mon precieulz sang espandu
sur la terre pour eulz fault que les deliure de la main du
diable sathanas. **D** quelle recompense feront ilz digne a si
grans douleurs que pour eulz ie endure car il congnoissoit
nostre ingratitude qui plus le greuoit que la peine quil sou
stenoit et pourtant quelconque creature ne pourroit suffisa
tement le remercier ne de lui auoir condigne compassion en
foy mesmes pour les operations fraiz et douleur de passio
tellemēt que ainsi seul delaisse dit par ysaye que tout seul a
fouller et presser la bēdēge et des gēs ny a pas vng seul hō
me avecques luy. **H** ne dist pas femme car sa tresdoulou
soureuse mere estoit la pres que morte de douleur pitie et cō
passion laquelle adonc le voioit languissāt les yeulz tous
mors les leure toutes mortes la bouche ouuerte la langue
sanglātela chere basse la face enslee et tout le corps asseche

couuert de sãg mort & fige le ventre tenoit au dosz sembloit
ne auoit point de entrailles son chief et sa barbe glacez de
sang et ne auoit ou recliner sa teste que le col uauere ne pou-
oit plus soustenir. Mais quant elle ouyt ceste parolle en-
tendit quil n'estoit point delaisse par la separation de la di-
uinite mais par subtraction de toute refrigeration et con-
solatiõ es parties inferiores de lame souffroit douleurs ex-
tremes et souuerainem ent aspres tant pour les lieux des
nerfz que pour sa complexion delicate que pour la maniere
de sa crucifixion qui estoit de excessiue affliction laquelle
il comprenoit detement. Car selon iehan damascene il fut
permis a vne chescune de ses forces et puissãces faire & souf-
rir tout ce quelles pouoient pourtant sa tresdigne mere es-
toit si remplye de douleur et de tristesse en son coeur que il
nest pas possible de epplicquer la grandeur si luy debuons
tenir cõpaignie & ne no' mocquer pas de nostre redempteur
et sauueur ainsi que faisoient les iuisz et les garçons bou-
reaulx qui disoient cestuy appelle helpe mais en desiderant
le faict son merite disons de ceste deliction amẽ Elffin que ne
soyõs poit delasses ne derelẽgẽs. ¶ *Domini sit seper vobiscũ*

Les trois dernieres parolles que nostre souuerain pre-
stre dit a lautel de la croix sõt signifiees par les trois
croix que le prestre fait avec lho stie sur le calice. Car son
precieulx sang estoit a val espandu tellement que le corps
estoit tout sec a la croix et congnoissant que toutes choses
estoit consummees pour acomplyr lescripture dit *Sicio.*
Gay sois non pas seulement corporelle mais plus fort espi-
rituelle. Desirant nostre foy salut consolation de noz ames
mourir pour nostre reconsiliation et pour faire nostre paix
avec nostre seigneur dieu pourtant dit le prestre en faisant
la premiere croix. Pax domini. La croix est lautel de recon-
siliation sus lequel nostre vray dauid soit champion et vic-
torieulx a offert sacrifice tout brusle p feu damour diuine &

pacifiq̄ en reconciliationz dieu est recōsilie aux pecheurs de
laplaye dōit de buions estre punis pour noz peches Sur cest
article demande le venerable docteur bede pourtant saint
iehan dit que nostre seign̄r prinist le vin aigre car la y auoit
vng vaisseau plain de vin aigre et tantost quil eut dit **J**ay
soif courut vng deulx prenant vne esponge et lemplit de ce
vin aigre et lattacha a vne longue canne ou roseau & luy dō
noit a boire et se mocquās de luy disoient Attendes Beons
si helye bienne a le deposer et saint marc dit quil nen print
point et saint mathieu dit quil nen voulut boire **C**ecy fa-
cilement est solu **C**ar il nen print point pour le boire. mais
pour acomply ce que estoit escript & saint iehan crisostome
dit a ce propos que simplement ne different point gouter &
ne boire point pourtant incontinent dist la septiesme paro-
le qui est tout est consumme cest assavoir ce que les prophe-
tes auoiet prophetise de la satisfation ordōnee par la diuine
iustice par ce saint sacrifice en la redemption de nature hu-
maine si que ainsi que peche consume engēdre la mort icelle
satisfation parfaicte et consummee destruisse peche & engen-
dre vie eternelle par ma mort corporelle tellement que mon
nouueau testament y soit conferme eternellement consum-
mant mes sacrificies a tousiours mais **C**e que signifie le
prest̄re faisant la seconde croix disant **S**it semper **S**oit tous-
iours **D** combien seront bien eueux qui en la croix de peni-
tēce perseueront iusques a la mort et pourront dire cest fait
& cōsūme pourtāt en figure a lanciēne loy fust ordōne q̄ la
coue de la beste fust offerte en tous sacrifices qui signifie
consummation de satisfation **L**ors satanas fut con-
summe et au bout de son sens **C**ar tous ses dars retournēt
contre luy est cheust et cherra toute la confusion de la bas-
taille quil a esmeue sur sa teste car en luy et en ses membres
est consume la victoire du malignant serpent infernal. **D**
combien est longue la sentence de ce brief mot en quoy tout

ce qui estoit ordonne par le droit de la sainte trinite tout ce
que auoit este promis aux saints peres & figure par les pa
triarches et par les prophetes prophetise tout ce qui est con
tenu en la sainte escripture tout ce qui estoit profitabile et
superhabondant au bien de nostre redemption et tout ce q on
pourroit penser a exprimer en exces d'amour et de charite &
a obtenir triumphe & victoire glorieuse est ainsi merueilleu
semēt consumme ainsi comme sil disoit selon monseigneur
saint bonaventure mon pere iay accompli l'obedience que
tu mas donnee et suis prest a ce que tu voudras comman
der mais tout ce que mas ordonne et que de moy est escript
est consumme parquoy pere de toute misericorde ie supplie
a ta pitie infinie que pour l'amour de moy qui suis tout seul
et vniue naturel filz pour la mort que ie souffre si doulou
reuse veulles reuocquer la sentence laquelle tu as iustemēt
donnee contre l'huuain lignage pour leurs pechez. **Je** te re
quier mon pere trespiteux regard de tes yeulx misericordi
eux sur moy ton filz ainsi contemptiblement ignominieu
sement et douloureusement pendant en ceste croix et octroye
ce que ie demande explorant et en criant. **he** tresdoulx pere
considere les douleurs innombrables lesquelles iay souffert
tes des linstāt de ma conception iusqes a maintenant & me
recoy. **Car** ie viens a toy. Lors le pere eternal luy dist. **Biē**
tresame filz en qui ay mis mon bon plaisir tu as bien faict
toutes choses ordonnees a la conseruation de lhonneur de
ma iustice tu as accompli mes mandemens pourquoy incli
ne au salut des hōes p tes merites et prieres ie casse anulle
& efface le citoirafe & lettre d'obligation du decret et senten
ce q iauoie donnee contre nature humaine et te exaulce pour
ta reuerēce pdōnant a to' mes enemis leur offence & veulx
que ta mort precieuse soit la clef de mon paradis et quiconque
voudra y venir entre par la foy et merite de ta passion.

Je ne veulx point que tu souffres plus et accepte ta Douleur
te cōme si tousiours souffrois ppetuellement pourtāt le pre
stre dit sic seper & lors cōmenca a languir tournāt les yeulx
en la teste en la maniere de ceulx qui meurent maïtenāt les
ouurāt puis lesclouāt en inclinant sa teste sa et la cōme en
disāt a dieu a sa tresdigne mere et a ses autres amis q̄ la es
toient les forces luy failloyent les Doines estoient vuides
tout sō precieus s̄g espādu fors aucū peu au dedās es en
traïlles q̄ luy tenoiēt le coeur seul entier et frois car il es
toit de tresbonne et forte nature, & tresbiē cōplexionne. Si
sescria a grāde et haulte Voix tellement que cōme dit saint
bonaventure il fut oy iusques aux enfers disāt la .vii. pa
role mō pe en tes mains ie recōmāde mon esperit considere
icy et pense atentiuemēt que cestuy qui est yssu du sein de sō
pere et est venu au mōde cōe le haym de la pescherie du pere
etnel avecq̄s le retz fille ou saigue de abondāte charite iette
en la mer de ce mōde p la diuinite est ramene au riuage du
sein et poitrine du pere plain de tous les predestines & esleuz
lesq̄lz il cōpriſt ennombria par sa dilatee charite en ceste dou
leur de sa mort avecq̄s to^r leurs merites par actuel & singu
lier regart et les recōmanda es mains de sō pere et les collo
qua avecques luy en labisme de sa charite & cela signifie le
prestre en faisāt la tierce croix en disant *Bobiscū* Avecques
vous car q̄ se adhere a dieu est vng esperit avecq̄s luy pour
tant dit saint agustin qui ne ſt incorpore au corps de ihesus
crist ne vit point de l'esperit de iesucrist En ce grant cry selon
saint hilaire se doloit quil n'emportoit tous les peches pour
tant en charite mutuelle. Desirant le peuple ce grant bien au
prestre cōme a soy mesme respond. & soit aussi avecques tō
esperit puis nostre redempteur inclinee sa teste sus sa poitri
ne ainsi comme en disant a dieu a son pere rendit bailla et
enuoya hors sō saint et sacre corps son esperit leq̄l ainsi que

dit saint Vincent de Venes ne voulut pas incontinent tout
droit monter au ciel mais de sa grāde humilite voulut des-
cēdre aux enfers moult secretement ce que rap̄te le prestre
qui en disant tout bas fiat cōmixtio. laisse descēdre vne p̄tie
de lostie au calice laquelle est tantost abreuee a signifier q̄
en la descēte la tressainte ame du doulyx iesucrist au libe fu-
rent enpurees d'amour & de gloire diuine les saintes ames
& celles de purgatoire deliurees cōe dit est & la puissāce des
diabes lye et diminuee or est donc maintenant nostre sa-
crifice en trois parties vne partie demoura en la croix son
saint et tresdigne corps l'autre partie fut son precieus sang
espandu a terre au pie de la croix. L'autre fut la tressainte
ame comme dit est que signifiēt les trois parties que le pre-
stre fait de lostie chose merueilleuse & plus penser deuotem̄t
que parler en balbuciant qui pourroit comprendre dit saint
bonadventure sacerbite a presse. atrocite et cruaulte de cest
douloureux et tresamer tourment quāt pour la desmesuree
grandeur de travail et de peine quil sētoit iusques au bout
de sa puissāce force et vertu humaine hastiuemēt fut sepa-
ree sa tressainte ame d'avecques son sacre corps car enco-
re estoit demoure le sang du coeur tout fraiz ou est la fontai-
ne de vie comme apres apparut en la lanceation et ainsi
mourut tout plain de vie a tresgrant douleur & affliction ce
que declaira par sa grande voix et exclamation a laquelle
tramblerent tous les membres de sa trespiteuse mere et ain-
si que depuis a reuele lui sembloit que en son oreille presēte
toutes les fois quelle y pensoit en son viuant. Lors sespa-
ma tellement que on cuidit quelle fust trespassee avecques
son filz. Dit icy origenes que grandes choses surēt faictes
pour tant quil crya si hault cry le vele du temple fut rompu
et diuise des puyz le hault iusques au bas. Et toute creatu-
re dit saint iherosme aeu compassion iouynte la maniere de

son createur mourant ainsi honteusement. Le soleil perdit
sa clarte. La terre trembla Les pierres fendirent Mais
les miserables pecheurs humains sont seuz sans compas
sion pour lesquelz seulement il a souffert mort et passion.
dont dit saint bernard Qui nest a ceste Voix esmeu decõ
punction il est plus pesant que terre. plus dur que pierre.
et plus puant et ort que les monumens qui lors se ouurirēt
et rendirent leurs mors lesquelz apres la resurrection de no
stre sauveur vindrent en iherusalem et appareurent a plu
sieurs ainsi que tesmoigne leuangile.

¶ Les agnus dei

Lors comme dit theophile sortist son effet ce que nostre
seigneur auoit dit quant ie seray esseue de la terre ie ti
reray toutes choses amoy car il atira le bon larron lequel
selon saint augustin voyoit cõmencer les signes dessus dits
et a lui se conuertist. Item le centurion lequel voyant quil
auoit rendu lesperit ainsi criant a haulte Voix glorifia dieu
en disant. Vraiment cestuy homme iuste estoit filz de
dieu et ceulx qui estoient avecques luy veu le mouuement
de la terre craignirent grandement mesmes toute la tour
be et commun peule qui estoient venuz a ceste veue sen res
tournoyent frappant leurs poitrines ce representons en di
sant avecques le prestre trois foyz agnus dei. Au premier
debuons demender en grande contrition disans. Aigneau
de dieu qui as pardonne au bon larron ayes mercy et mis
ericorde de nous en nous pardonnant noz pechez Au secõd
en grande compassion disans. Aigneau de dieu qui de ta
grace as illumine le centurion ayes pitie et misericorde de
nous en nous donnant grace de bien et souuerainement
viure en cestuy monde sans iamais dieu offencer.

Du tiers en seruante deuotion disons aigneau de dieu qui
reconsilia la tourbe donne nous paix de consciense en ce mo
de et en lautre et avecques noz proesmes non seulement de
bouche en monstrant beau seblant mais de coeur si en frap
pons la poitrine en congnoissant avecques douleur nostre
coulpe pour les deffaultz et peches du temps passe

¶ La paix

Nostre sauueur, dit saint augustin inclina sa teste en sa
mort affin de bailler le baiser de paix a ses amis pour
tant se incline le prestre pour la paix et vnion de lesglise de
dieu et comme remply de charite baise lautel de reconciliati
on et puis donne le baiser de paix. Et autant de fois nous
baisons nostre seigneur que nous sommes conpresens en so
amour. Secy fut la cause premiere et principale de sa mort
et passion car il voulut & veult que lon sceust & congneust co
bien dieu aimoit les humains affin que nous par amour re
ciproque nous a luy conuertissos quil veult plus estre ame
que crain

¶ La perception

Selon alexandre des halles quatre choses sont requises
a perfecte manducation et espirituelle & digne com
munion de ce saint sacrement Premier en la lumiere de la
foy mastication et diiudication de ce ste viande en conside
rant son effect car cest le pain bis qui donne vie eternelle.
¶ Secondement delectation sauoureuse en considerant sa
bonte et infinie liberalite car cest le pain des anges contes
nant toute suauite de douceur spirituelle Tiercement assi
milation persiliation adoptiue parquoy en profonde reue
rence et petit sentement de soy fault acceder a le recepuoir
¶ Quartement par incorporation .p. vraye charite au corps
mistique de nostre seigneur qui proprement est dicte vnion.
Et ce est fait par amour diuine transformant laimant en
layme tellement que on est tout anichille en soy et en dieu

mue en aultre homme transforme tout diuin ainsi que dit
nostre seigneur a saint augustin ie suis la viande des grâs
non pas selon la reputation du monde mais selon ma repu
tacion grans par leffect de ma grace. ie ne suis pas pain a
villains ne a garçons qui ne sceuent ny bien ny honneur
pour le petit sentement qz ont de moy a de leur salut mais
a gens grans par eleuation de pensee qui me maschent par
foy et me goutent par delectation en eleuation de leur espe
rance et medigerent par affectio de charite et ne fault pas
que tu penses que ie soye mue en toy come la viande de ton
corps mais tu seras mue en moy ceste mon corps mistiq
qui est lesglise ainsi que le feu conuertit le charbon en sa si
militude. Si debuons nous embraser icy par ardent de
sir en pensant seruentement en lamour par laquelle il cest
donne en sacrifice par la mort de la croix. et maintenant
en sacrement a lautel pour satisfacion de noz peches.
et pour nous donner vie de grace en ce monde et en lautre
de gloire perpetuellement A ce seruent les secretes oraisons
que le prestre dit apres quil a done le baiser de paix incline
par te uerance et humilite car dit leuangile que ses amis a
congneus estoient loing de luy et les femes qui lauorent en
suiuy de galilee lesquelles luy ministroient et seruoient. en
tre lesquelles estoit marie magdalene et les deux seurs de
sa tres piteuse mere la vierge Marie qui estoit ioupte la
croix regardant en plourant tendrement pendant son tres
chier filz mort en tel estat si debuons estre loing en nostre re
putation par humilite. mais nous aprochier par ferme foy
confidence esperance a seruante charite qui mettent hors tou
te presumption crainte deffiance negligence et in deuotion.
car amour excessiue et impaciente croit et espere toutes cho
ses et essaie mesmement a tepter choses a foy impossibles
comme faisoit selon saint augustin sa tresdouloureuse mere

e. i.

laquelle se leuoit sur les pies estendât ses bras a le toucher
mais ne pouoit et recheoit Si embrassoit la croix et la bai
soit en celle partie qui estoit arrousee de son precieus sang
lequel avecques sa sacree bouche elle touchoit Aussi baisoit
la terre ou estoit espandu tellement que sa face palle et tou
te morte estoit toute vermeille du sang precieus de nostre sei
gneur Le debuons contempler deuotement en communiât
et receuant le saint sacremēt et en le boyant cōmunier trans
former en nous toutes ses playes ainsi que se les auôs et
les imprimer en noz coeurs par compassion discourans par
chescune et maintenant en l'une et puis en l'autre et quelles
douleurs et combien grandes il souffrit et ainsi soy enflâ
mer en son amour en le remerciant pourtant dit saint au
gustin quant on vse le saint sacrement que est ce aultre cho
se fors l'adoration du corps de nostre seigneur & l'effusion
du precieus sang de son coste dextre en quoy ne fault pas
errer car le sang au saint sacrement de l'autel soubz espece
de vin nest pas sang espādu cōe fust a la passio mais est s'ag
en vaine vni ce aient au corps Dultre plus les iuisz pour
l'honneur du samedi iour ensuiuant qui leur estoit la grant
feste de pasques affin que les corps ne demourassent pend'
es croix prièrent pilate que leurs cuisses froissees fussēt des
pendus vindrent doncques plusieurs gens d'armes qui ain
si le firent aux deux larrons et cōme ilz vindrent a nostre
seigneur iesucrist et trouuassent quil estoit ia mort par les
prieres et piteuses supplications de sa tresdouloureuse me
re de saint Jehan de Marie magdaleine et des aultres
ses amis qui la estoient ne luy froisserent pas les cuisses
iouxtela figure de l'aigneau pascal dont nostre seigneur a
uoit cōmande p moyse ne briser point les os ne casser mais
vng viel gendarme ancien cheualier Lors cruel et orgueil
leux ne faisant compte de leurs pleurs et prieres avecques

Une lance suy ouurit son coste dextre dōt prindrent les sales
sacremens leur commencement. et pourtant dit saint iehā
crisostome quāt tu viens au saint calice viens ainsi seruen
tement ou cōe si tu venois boire a celluy coste ouuert de ie
suscrist donc fut sermee sainte esglise son espouse **ayes dō**
ques dicelle passion pitie par amour et par charite et com
passion en toy se croistra & pourtant que lune bonte lautre
requiert donne tout ton coeur a luy car il ta donne tout le
sien o amour inestimable q̄ tousiours es ardent et iamais
nes estainte o pecheurs ingras venes tous icy de tous cos
stes et en voz coeurs receues ces grans et precieuz tresors.
reposez vo^r au coste dextre de sarche nō pas de noe mais du
sacre corps de nostre seigneur cest la boutique toute ouuerte
plaine de drogues aromatiqs & medecines salutaires pour
medeciner noz ames pourtant yssit sang et eau et cōe dit sy
mon de cassia premier yssit le sang en mesure determinee a
dieu seul congneue non pas a nous en signe et demōstrāce
de la liberalite de son amour apres leaue par haulx et mer
ueilleux mistere le s̄g enpris de redēptiō pour la remission
de noz peches et en beuage pour no^r rassasier & enyurer de
sō amour leau en ablutiō de noz peches et refrigeration de
noz concupiscences et la repression de toute tēptation ce que
fait ce saint sacrement en ceulx qui dignement le receuoiet
pourtāt le prestre prent au coste dextre avec le calice du vin
et sen laue les dois et puis avecques leau ainsi disēt aucu
nes histoires q̄ longis sentant labertu de ces precieuses me
decines de ses dois tains du s̄g de nostre seigneur toucha ses
yeulx dōt par auāt ne deoit point ou bien petit & incontinet
fut illumine et se cōuertist et despuis desquit sainctemēt et
mourut martir o combien a celle heure estoit remplye de do
leur sa tresdoloureuse mere veritablemēt dist saint bernard
le glaive de douleur a pce maintenant ton ame car il auoit

redu se perit et son ame nestoit plus a son sacre corps mais
celle de sa trsdigne mere nen pouoit estre separee . parquoy
la force et violence de douleur tresperca son ame tellement
que nous la preschons estre plus que martire en laquelle
l'affectiō de compassion a excede le sens de corporelle passi
on **M**ais retournons avecques le prestre a lautel et ne o/
blions pas la grace de nostre pleige qui a done pour nous
son ame et sō corps a souffrit en tel estat et escoutons ce q̄
no^r dist deffect et par oeuvre par saint bernard il nest pas
decent congru ne cōuenable que le membre du corps soit de
licat viuāt en delices et le corps se gaudice en volupte soubz
la teste de celuy qui est couronnee despines. **J**e porte dit no
stre seigneur la couronne despines et tu as en ta teste chap
peau de fleurs ou aultres ornemens de Vanite mondaine.
Jay les clous fiches en mes mains et tu as les petis gans
es mains de paour que ne soiēt terniz. tu dances et près tes
delitz en ornemēs precieuy et curieuy mesmes hōmes et fē
mes aiant chemises fines et delicates viuans en toute vo
lupte a la mienne voulunte tu pensasses commēt avecques
vng vestement blanc ie fus demoque cōe vng fol en la mai
son de herodes tu te reposes de tout bien prenant grant pei
ne en choses de ce monde et iay tant laboure pour toy ius
ques a la mort. es pies cousus a la croix iay aeu pour toy
les bras estendus en la croix et es dances mondaines tu es
stens les bras en maniere de croix en mon obprobre iniures
desrision en la croix ay aeu pour tes pechez dōleur angoisse
et tristesse en plorant et criant a haulce voix et toy esdan
ces mondaines tu gaudis chantes et te resiouys par vaine
liesse au detrimēt du salut de la poure ame. **O** homme in
considerē. o femme sans sens ingras dūng si grant benefi
ce. **T**u as la poiterine le coste et le coeur ouuert a Vanite la
teste leuee en signe de vaine gloire luxure ou plaisirance mō

daine et pour toy ay la teste couronnee des pines baissée la
poitrine toute hachée et le coste iusques au coeur tout ou-
uert avecq̄s le fer d'une cruelle lance toute fois retourne toy
a moy véritablement et ie te recepuray ainsi samētoit le roy
al prophete d'auit la mort et dēpnation dūg chescū pecheur
en la personne de son filz absalō quāt il fut mort endisāt he
poure et miserable pecheur q̄ me donnera l'opportunitē mou-
tir pour le salut de ta poure ame fault il que tu soyes dāpne
Encore ne nous a pas oublyes car en tes mains nous a de-
scrips Par amour et charite perpetuelle nous a aymes et
pourtant nous a luy ainsi atires de sa mort et passion do-
loureuse debuons auoir pitie et compassion.

¶ Le post communion

Nous serions trop hors du sens et de raison folz et abes-
stis et tardis a croire plains de execrable ingratitude
se de faict de dit et de pensee ne recongnissons nostre bon
sauueur et redempteur en le remerciant humblement luy
rendant graces et dignes lonenges ioupte nostre possibili-
te en la recongnissance de ses benefices car de no^r ne pour-
rions soffrire. pourtant le chorus chante a voix haulte a me-
lodieuse la post commune en signifiant l'acceptable seruire
du noble seigneur ioseph darimathie bon homme et iuste se-
cret disciple de nostre sauueur iesucrist pour la crainte des
iuisz lequel iamais ne sestoit consenti a leur mauuais con-
seil et iugement attendoit par foy esperance et charite le roy-
aulme de dieu icelluy vint et entra hardiment ehes pirate
et luy pria et demanda quil descendist et en sepulturast ou
par luy ou par les siens le sacre corps de nostre sauueur et
redempteur ihesus. et pilate oyant sa requeste sesmerueil-
loit quil fust ia mort ne considerant pas la trescruelle pay-
ne et ignominieuse que il luy auoit faict si durement souffrir

e. iiii.

et que toute la nuyt nauoit aeu repos mais travail & tourment sans cesser. Lors interroga sil estoit ia mort. et comme il eust congneu du centurion donna le sacre corps a ioseph et commada quil luy fust rendu et baille lequel acheta vng sardoine ou drap de fine toille et sen vint en caluaire. Vint aussi nichodesme avecques luy qui de nuit premier estoit venu au doulx iesus portant oignement comme cent liures de mieurre et alloes queques leurs gens qui portoient les instrumens a ce faire necessaires lesquelz selon la contemplation de saint bonaventure veit de loing la tresdouloureuse mere de dieu assise avecques sa compaignie en attendant laide de dieu et lors tous se leuerent aiant grant paour que se fussent aucuns qui venissent encor le iniurier et persecuter. **D**ieu combien est aujourduy grande leur affliction. Et regardant saint iehan ce que c'estoit commença la post communion en disant benoist soit nostre dieu qui nous a enuoye ayde car ie congnois la ioseph et nichodesme qui sont disciples de nostre maistre par ce la piteuse dame ainsi comme de mort soy releuante. **C**ar son esperit aucun poure uigour a reprise aucune force et vertu en elle mesmes pour fuyt apres en disant benoist soit nostre seigneur dieu qui a aeu memoire de nous et ne nous a pas delaissees. et conuenuz et assemblez s'agenouillerent les vngs vers les autres en plourant si tendrement a chaudes larmes quilz ne pouoyent dire mot les vngs aux autres et sembloit que tout deust demourer. **D** qlz chants mais mieulx ie diray plours et sospirs piteux. **S**i leur respond la tresdigne mere de dieu en disant dieu nostre pere omnipotent vous doit benediction eternelle. **C**ar vous auez bien faict sauoir aeu memoire de vostre bon maistre qui moult vous a aymes. **E**t ie vous confesse que a vostre venue ma semble veoir nas-

quit vne lumiere nouvelle. Nous ne scauons que nous
debuions faire. Nostre dieu plain de misericorde le vous
vueille retribuer eternellement Et eulx de leur coste vont
dire. Nous auons grant deul au coeur des choses qui
contre iustice luy ont este faictes car nous voions bien que
les iniques et peruers ont supplante le iuste. Nous leussi
ons vouluntiers deliure de si grande iniustice si nous eus
sions peu. A tout le moins nous ferons ce petit seruire
a nostre seigneur et maistre Lors soy leuans se appareille
rent a descendre le diuin corps de nostre seigneur Si debuons
diligentement contempler la facon et maniere Car elle fut
monlt piteuse deuote et reuerante. Les vngs monterent
a desclouer la main de ptre Les autres la fenestre. Les au
tres au meillieu a soustenir son diuin corps cheacun endroit
soy faisant seruire au corps de nostre seigneur. **O** combien
sont telz gens eureux. Lors sefforcoit la tresdigne mere de
dieu de soy tenir sur les pies leuant ses bras pour atoucher
les mains du corps de nostre seigneur qui ia pendoyent a
bal Et quat elle peust tenir la dextre main la baisa moult
reuerantement en grandes larmes et sospirs rememorant
la charite indicible de nostre sauueur et redempteur ihesus
en la redemption de nature humaine. Et les piez des
clouez le descendirent et le mirent ainsi que lon croit piteu
sement en son geton. Et comme dit saint bernard elle te
nant la teste de luy et les espales larmes courtoient de ses
yeulx cõe deux ruisseaux de fontaine qui arrousoiēt toute
la face de son cher filz laquelle en sospirs sanglotz et gemis
semens nauree du glaiue de amour baisoit sans cesser tel
lement quil sembloit quelle deust fondre le corps avecques
lesperit en larmes En tant que il nest pas possible au mon
de de comprendre ne exprimer la douleur et amertume de
coeur que elle auoit. Toutefois elle se contenoit en telle

maniere quel le nauoit point de desespoir Mais piteusement
et iustement se douloit esperant et croiant fermement quil
resusciteroit au tiers iour ainsi que plusieurs fois lauoit dit
ploroit aussi saint iehan assis pres d'elle soustenant le milieu
du corps sur le sindone estendu sur son geton regardant pi-
teusement sans cesser le coste ouuert auquel le soir dauant
sestoit recline pour boire a la sacre fontaine de la sapience di-
uine Et les seurs de la tresdoulce mere de dieu estoient bis
a bis deulx sainte marthe estoit au pres il suffisoit a la glo-
rieuse dame marie magdalene destre aux pies diuins ou el
le auoit obtenu remission de ses peches grace et deuotion et
la resuscitation de son frere le lazare **D** quelle table **D** quel
disner la debuerions venir par meditation sainte et avec
ques pain de larmes mengier cest aigneau de dieu le gou-
ster et digerer comme dit est pour mieulx chanter la post co-
munion et et sans doubter la y auoit grande multitude da-
ges comme dit saint bernard qui sont les princes qui ont pre-
ueni pour soy conioindre aux chatas a nostre seigneur lou-
enges ainsi que dit le psalmiste. Lors fut accomplie la pro-
phetie de isaye les anges de paix plorent amerement qui
seroit celui des anges archanges ou principantes trosnes
cherubins ou seraphins qui illec neust plorer boiat q̄ contre
nature lacteur de nature dieu immortel nostre doulx sau-
ueur et redempteur iesus homme mort ainsi estendu en pi-
teux et cruel estat et sa tresdigne mere leur dame et mai-
straisse royne et princesse du ciel et de la terre en telle engoi-
se **Je** croy dit il et pourtant ie le dy qui se doloient soy dou-
loit pouoient car comme il fut et a este posside a dieu mou-
rir en nostre humanite prinse pour le salut de humaine na-
ture ains i fut possible lors que les bons angez se douloiet
pleignoient et plozoiet de la mort de leur seigneur dieu pe-
re createur et glorificateur forclose passion sensitue cobien

q̄ en ce ne perdoient pas la toyne de leur beatitude mais q̄ pl^{us}
est accidentalemēt leur croissoit considerans que par la pa
role du pere & ordonnāce cest abbreue son seul filz se q̄l en sō
humanite ainsi prinse pour la restauratiō des esleuz aucū
pou cestoit rendu maindre q̄ eulz parquoy ceste mort inno
minieuse luy seroit courōne de gloire & dhōneur et que ceste
tresdouloureuse mere seroit p̄ sus toutes leurs ordres et cō
paignies en padis esleuee & q̄ pour ceste redēptiō de l'humai
lignage seroit leur ruine reparee et les diables vaincus Si
debuōs ainsi nous re siouyr en nr̄seign̄r avec eulz et ad ce
nous adinonnester se tourne le prestre en disant 'nostre sei
gneur soit avecqs vo^{us} p̄ recordatiō de ce benefice. & p̄ charite
mutuelle et fraternelle on respond de bon desir et soit aussi
en ton esperit.

Ces dernieres oraisōs de la messe.

Retournous encore a lautel de la croiz avecques le pre
stre disant oremus qui signifie les prieres et supplica
tiōs hūbles q̄ faisoient ioseph et nicodesme doiāt le soleil recō
ser & q̄ la nuit saprochoit & q̄lz se metoient en dāgier disoient a
saint iehan prions nr̄e dame bonne et sainte maistraille quel
le permette lensepuelir. **D** qui pourroit exprimer son oraisō
quelle leur faisoit et a quelle peine difficile et labeur elle
acquiessa a leur requeste et peticion car peust elle dire q̄ vou
lez vo^{us} faire voules vous que ie vous laisse si tost le corps
de mon trescher et aime' filz le spirit sen est alle a dieu et en
core me oster le corps mais ie loctroie par la voullente de no
nr̄seigneur dieu qui la ainsi ordōne comme dit ysaye q̄ sō
sepulcre sera glorieux. amē ainsi soit il. lors pour le second
oremus prierēt a tous quilz labourassēt a loindre et pour la
secōde oraison le oignirēt du mierre et aloues dessus ditz en
plourāt sās fin car sa tresdouloureuse mere ne se hastoit pas
de son coste ne la glorieuse magdalene qui plouroient lune
a la teste lautre aux pies comme deux fontaines lune de

innocence et l'autre de penitence ainsi pour la tierce oraison
Voyant saint iehan que l'heure tardeoit pria a la tresdigne
mere de dieu quelle se condescendit et ce pendant ioseph et ni
chodesme firent haster la glorieuse magdalene et du fondo
ne ensepuelirent le saint et sacre corps de nostre seigneur ce
que signifie les diacre et soubzdiacre qui ce pedant que le pre
stee dit les derenieres oraisons ilz essuent et enueloppent le
calice et ploient les corporaux. Ainsi par nostre seigneur di
eu se mist la trespiteuse mercede de dieu a oindre sa part et ses
seurs et saint iehan luy aydoit tellement que du suaire sen
ueloppa pour amen. Adonc ioseph et ny chodesme seuetet le
corps diuin de nostre seigneur et le leues les saintes dames
et saint iehan le prindrent avecques grande reuerance et se
tournerent a le porter au sepulcre lequel estoit en vng iardin
pres de ce lieu tout nouveau auquel nauoit encore este mis
aucun et que ledict sepulcre estoit taillé en vng roche a este
a la confirmation de la foy de sa resurrectio. Car luy et no
autre yssit du sepulcre tout clos lequel on ne pouoit bescher
ou miner par dessoubz. En ce lieu donc le poserent pour
la vigille du sabbat pour ce que le monument estoit pres ce q
signifie le prestee finies les oraisons se incline ou milieu de
l'autel et se tourne vers le peuple en disant nostre seigneur
soit avecques vous ainsi comme en son glorieux sepulcre. et
pourtant que le loyal cristien aidant son frere cristien iour
te ledit du sage est ferme et estable comme vne cite lon res
pond par charite mutuelle et fraternelle et soit aussi avec
ques ton esperit ainsi debuons aider les vngs aux autres
car en ce faisant est mettre vne grande pierre a luy du mo
nument qui signifie ferme propos en perseuerance de tenir la
foy et la loy crestienne.

¶ Ante missa est
Quantost prindrent congie ioseph et ny chodesme de la tres

digne mere de dieu et saint Jehan se retourna vers eulx
comme le diacre disant. ite missa est caro cristi ostia diua.
alles vous en hardiment puis que la chair et le diuin corps
de nostre bon maistre est mis au sepulcre et chescun de nous
vous en remercie et iceulx respondirent. deo gratias a dieu
en soyent les mercis et se inclinerent vers la tresdigne mere
de dieu en luy disant a dieu et elle requist a dieu sa benedic
tion pour eulx et disant amen sen patirent incontinent car
ilz auoient haste iusq̄s ala benediction du prestre lon est o
bligé a ouyr la messe de parroisse toute entiercmet si ne de
uons pas comme les indeuotz incontinent nous en encourt
mais attendre et entendre comme le prestre se retourne et se
incline vers lautel en signifiāt que la tresloyalle mere se re
tourna vers le sepulcre enclinee faisant son oraison que il
pleust a toute la sainte trinite accepter ce saint sacrifice et
seut seruire et pardonner par son infinie misericorde aux po
ures pecheurs. La estoit marie magdalene et les autres qui
lauoient ensuiuy de galilee soy seantes ioupte le spulcre doi
ant le monument et comme estoit mis le corps de nostre
seigneur. Le adiutorion et benediction de la fin de la messe.
Puis demandoit la tresdouloureuse mere a dieu ayde bene
dictio en son nom si doit on croire q̄lle eust la benediction de
leuesque souuerain des biens a aduenir et ainsi disant amē
pour amen sen retourna comme le prestre vers lautel de la
croix avecques sa sainte compaignie pensant es tourmens
doulours et afflictions que nostre souuerain prestre auoit
souffert en ceste trespiteuse messe ainsi debuōs faire en voy
ant deuestir ou despouller le prestre en ferme foy quil est
bray dieu et bray homme comme contient leuangile In pri
cipio que nous deuons escouter deuotement. Car moult est
profitable contre toutes temptations. Et quant vient a ce
pas verbū caro factū est. nous agenouller et le adorer en le

remerciant de ce benefice car ainsi la tresdigne mere de dieu
adora la premiere croix qui la premiere adora le filz de dieu
quāt d'elle naquit le iour de noel vray hōe mortel & passible.

Pour l'accomplissement de ceste pitieuse contēplatiō pres
nons exēp̄le a nostre tris glorieux pere monseigneur
saint francois qui ne prenoit sa gloire fors en dieu par la
croix de nostre seign̄r iesucrist par laquelle le monde luy es
toient crucifie et luy au monde Car ce que le monde ayme
luy estoit mort ainsi estoit crucifie au monde car la vie quil
menoit desplaisoit aux mondains p̄quoy a bō droit par sin
gulier preuilege fust ennobly des armes et stigmatē de no
stre redempteur car tout son estude tāt publiq̄ que priue es
toit en la croix p̄ continuelle meditacion perfecte imitation
en pitie et compassion et de ses desirs mortification a ceste oc
casion dit saint augustin que toute la vie dun crestien sil vit
selon leu angile nest que croix et martire car deu quil a fallu
ainsi souffrir au filz de dieu pour entrer en la gloire combi
en sont folz dit saint bernard qui sans peine presument as
uoit celle d'aultruy retournons doncques avecques les bes
noistes dames en iherusalem en compassion se nous vous
lōs estre en leur compaignie en gloire de resurrection et vie
eternelle ploions en la secretainerie ou reuestiaire de no
stre coeur les ornemens et armes de la passion de nostre sou
uerain prestre et avecques elles nous retournons souuent
vers le monumēt en rememorāt ce grāt benefice en faisant
en larmes et sospirs noz prieres et oraisons avecques le
prestre ploiant ses ornemens qui en autre signification que
celle de d'auant signifient les armes de la passion. La cha
suble signifie le vestement et manteau de pourpre. La
est la croix dessus les espauls Et aussi la columpne

entre les bras la seintur esignifie les liens dont il fut lye au
iardin le stolle la corde ou chaine que on luy mist au coul
Le fanon les liens dont il fut lie a la columpne et quant il
fut deslye luy demoura vne corde au bras senestre. Laube.
le Vestement blanc par lequel herode se moqua de luy. Lad
mist signifie le voile dont ilz le benderent ches capphe et les
laz pendans. les escourgies ou fouais dequoy il fut batu et
ainsi ton seruire sera aggreable a nostre seigneur comme ce
luy des dames qui retournees luy preparerent espicerie et
oignemēs et selon le mandement de la loy le samedi se tin
drent a repos mais les princes des prestres ne firēt pas ain
si car en lieu de graces que le prestre dit apres sa messe vin
drent a pilate disans seigneur nous sommes recollans que
celuy seducteur et trompeur encores viuant disoit . Apres
trois iours ie resusciteray. **C**ommande se. il te plaist que
soit garde le sepulcre iusques au tiens iour que ses disciples
ne viennent et l'ambtent disans au peuple quil est resuscite
de mort a vie . parquoy a ceste occasion seroit letteur plus
grand a la fin que au commencement **O** mes peres et fre
res de lesglise cristienne seigneurs et dames grans moyēs
et petis qui desirez par le merite de la passion douloureuse
de nostre seigneur auoir remission de voz peches la grace di
uine et consecution de gloire eternelle pense en ses saintz
misteres singulierement durant la messe non pas par me
ditatiō soubdaine ou superficielle mais en eslongāt vostre
coeur de tout amour mondain et pensee transitoire ou tē
porelle conuertiffes vous seruamment et ardamēt par
longue demeure tāt que le saint esperit vous die au dedās
de vostre desir ce que leur dist pilate et q̄ dist le prestre quāt
il communie le peuple vous aues la garde des āges de tou
te la court de paradis alles gardes vous comme vous sca
ues en vous gardant des occasions des peches que ilz ne

lembrent cest adire que ne vous facent perdre la presence de
luy. Et sceilles de ferme foy vostre pensee et de la pierre de
vostre ferme ppos en metant bonnes gardes cest a scauoir
crainte & amour de dieu au monumēt de voz coeurs et quāt
ainsi le feres ie vous prie que pour moy veilles prier & pour
ceulz pour lesquels ie suis obligē viz et trespassez iay espe
rance que nostre seigneur vous en sera loyer icy par grace
et finablement par gloire. *par ADEN. gloire*

Ccy finit la recollectiō de la trespiteuse passion de no
stre seigneur representee par les saintz et sacres misteres de
la messe preschee deuant le grant maistre de france en sabil
le de laual par ledit bearpere reuerend frere oliuier maille
lard lors estant vicaire general des freres mineurs appels
les de l'obseruāce diligemment corrigee iouy de l'intencion
de icelluy pour information de verite vous plaise prier no
stre seigneur aussi pour le salut et intention du correcteur.
Et imprime a paris par iehan lambert demourant a la cor
ne de sain en la rue saint seuerin et fut acheue le dernier
iour de decembre Mil. CCC. quatre. pp. & treze.

Deo gratias



Guillaume Le Roy
M. Martel
Pre. h. g. p.

Guillaume le tout
A Rouen.

~~~~~





